

明治辛未聚珍版

十九史略通考

官許

金澤學校

十九史略通考序

作史無定法本之春秋綱目有定法考史無定論本
之春秋綱目有定論蓋春秋因魯史而作以爲萬世
之法綱目因治鑑而脩以正百王之紜此天地之經
君臣之義而聖賢之心也然則後之言史者舍二書
何以哉竹篙余先生世居番陽之藍塘家素業儒先
生自幼警敏好學既深於經又長於史嘗謂曾先之
史略之書詞義雖簡約而正朔多溷殺諸家訓詁雖
浩繁而義理多謬戾廼依綱目義例以正其紜紀旁
系諸儒粹言以釋其文義又節取元史以補于后而

曰之曰十九史略通考一日緘致藁本且辱貽書俾
予序之夫聖人之志莫大於春秋繼春秋之跡莫尚
於綱目今觀先生述作之旨一以綱目爲心註釋之
要一以必當爲圭寸寸而較銖銖而積微辭隱義多
所發明其所以尊君父而討亂賊崇正統而抑僭僞
褒名節而黜佞邪貴中國而賤夷狄莫不有繫於三
綱五常之大焉是可嘉尚也已因拜手以識于後先
生名進字宗海古城散人之孫雲峯先生之子其學
得之韓文公送子讀書深以人不通古今爲戒何如
斯可謂之通矣精通固難粗通正亦未易史冊浩瀚

初學望洋今有一編書使十行俱下者讀之不一二
日而數千載之本末大畧已在胷次其於訓蒙便甚
書林熊氏於是刻梓以傳所以惠後學廣矣余深嘉
之爲題其編首大德丁酉嘉平月望豫章周天驥書

史略叙

十九史略通考目錄

卷之一

太古 三皇 五帝

夏 殷 周

春秋戰國

卷之二

秦 西漢

卷之三

東漢 蜀漢 西晉

卷之四

東晉 南北朝 隋

卷之五

唐

卷之六

五代 宋

卷之七

南宋

卷之八

元

十九史略通考目錄 畢

十九史畧目錄

司馬遷

史記

班固

西漢書

范曄

東漢書

陳壽

三國志

唐太宗

晉書

沈約

宋書

蕭子顯

南齊書

姚思廉

梁書 陳書

魏收

後魏書

李百藥

北齊書

崔仁師

後周書

魏徵

隋書

李延壽

南史北史

歐陽脩宋祁

唐書

歐陽脩

五代史

李燾劉時舉

宋鑑

張美和

元史

古今歷代十九史略通考總括

歷代國號歌

天皇地皇人皇氏名曰三皇居上世太昊炎帝及軒

轅唐虞紹之為五帝

舊本以太昊炎帝軒轅為三皇金天高陽高辛唐虞為五帝今

依五峯胡氏并易大傳正之如此

夏商周秦前後漢三國鼎峙漢魏

吳

時音耻立也言三國相對時如鼎三足

漢亡於魏魏禪晉晉又平吳

天下混

禪音善讓也混合一也

擾西晉者為五胡

五胡謂劉氏石氏慕容氏

符氏姚氏也

天下瓜分南北隅

言天下分而為二如破瓜然

南則東晉

過江左宋齊梁陳踵其都

踵音冢繼也言晉都江左四國亦接跡而都江左

也北則五胡而後魏東魏西魏分為二東傳北齊西

後周周又滅齊禪隋帝隋能平陳南北一曾幾何時
禪唐室唐室以後為五季梁唐晉漢周相繼季末也
乃衰末之世如四繼周者宋天下平迫宋南遷是胡
季乃四時之末也金元滅胡金取宋繼南北混一九十歲胡金者言金
也帝王神器已有歸大明接統萬萬世

歷代世年歌

三皇

鑿開混沌分天地天地分從攝提歲混沌者陰陽未分之狀鑿開云
者言陰陽既判如鑿開然是生萬物人最靈斯人之
爾雅太歲在寅曰攝提格初盤古氏天皇兄弟十二頭各歲一萬八千周地皇
十一頭兄弟亦各一萬八千禩人皇氏今凡九頭九

兄弟者分九州相承一百五十世四萬五千六百秋

頭謂人數也禩古祀字三皇以後有巢出構木為巢

食木實有巢氏後燧人來鑽燧改火教民食音義並

紀代以太昊庖犧氏首畫八卦造書契女媧共工及

大庭柏皇中央歷陸繼驪連赫胥迨尊廬混沌吳英

朱襄次葛天陰康暨無懷風姓相承十五世迨暨皆

見太後有神農號炎帝始嘗百藥教耒耜帝承帝臨

傳帝則帝百帝來亦其裔帝襄帝榆姜姓終八世五

百二十歲音義並見黃帝公孫名軒轅衣裳而治法

乾坤治去聲易大傳曰黃帝堯舜金天少昊是其子

五帝

見太

炎帝紀

垂衣裳而治蓋取諸乾坤

夏

商

高陽顓頊是其孫曾孫帝嚳號高辛玄孫伊祁名放
勳放勳是為陶唐堯禪于有虞其姓姚重華其名舜

其諡舜又禪于夏后氏考行易名曰謚其法周公之所作也此時未有謚法蓋追

言之耳詳見唐虞紀妣文命為夏禹王傳子曰啓逮太康仲康

王相少康立王杼王槐至王芒王泄之後王不降王

肩王厘王孔甲王臯王發王履癸履癸號桀無道亡

四百五十有八歲夏十七世鼎遷商逮及也鼎傳國寶也殷商

成湯王子履外丙仲壬其二子太甲沃丁至太庚小

甲雍已太戊興仲丁外壬河亶甲祖乙祖辛沃甲承

祖丁南庚及陽甲盤庚小辛小乙生武丁祖庚及祖

周

甲廩辛庚丁武乙稱太丁帝乙獨夫受其號曰紂其
名辛六百四十有四載商三十世周其代朱子曰四海歸之則

為天子天下叛之則為獨夫故曰獨夫受也周文王者為姬昌子武王發

傳成康昭穆共懿孝夷厲宣幽平桓繼以莊釐惠襄

頃匡定簡靈景悼敬至元王負定哀思考威烈安王

烈王寔微滅顯王慎靚赧王延三十七傳周紗絕八

百七十有三年中有春秋與戰國寔音浸漸也始皇帝政

秦

呂而嬴并吞六國天下秦帝秦僅能十五載二世胡

亥王子嬰嬴音盈言始皇乃呂不韋之子而嬴也姓劉名邦

漢高祖滅秦未幾滅項羽傳子孝惠文景武昭宣元

魏
成篡其緒哀平帝至孺子嬰王莽篡位國號新十五年誅更始立光武劉秀成中興明章和殤安與順沖質之下為桓靈至獻帝為曹操圖天下三分漢魏吳漢先帝備諡昭烈至後帝禪為魏俘漢年四百六十九二十六傳如此夫倂音享虜也夫音扶魏武王操姓曹氏子丕篡漢遂稱帝丕為文帝子為明邵陵高貴公皆廢陳留王璜第五傳祚止四十有六歲魏亦篡于司馬炎固知反復皆天理也祚音助位也福祿也吳起孫策長沙王弟權帝吳為太皇子會稽王及景帝烏程侯皓國破降四主歷年五十九比於蜀魏為後亡漢亡於魏魏禪

吳

西晉

東晉

宋

齊

梁

晉晉又平吳三國盡曾音槍稽音笄降音杭司馬氏起懿師昭至武帝炎西晉朝惠帝以來五胡起劉石慕容苻與姚熾懷業愍沒劉氏西晉遂亡四海沸一紗五十有二年南北瓜分從此始南則東晉元帝睿明成康穆哀與廢簡烈安恭百三年東晉又亡劉宋繼通一百五十五年相傳一十有五世朝音劉宋高祖寄奴裕營陽文帝傳孝武前廢帝亡明帝立後廢帝亡順帝襲五十九年凡八傳齊蕭道成代而帝道成高祖傳之武鬱林海陵明帝取東昏侯後和寶融二十三年更七主更音庚蕭衍高祖梁武帝簡文及元敬方智四

陳

傳五十有五年為梁代者陳霸先是為高祖陳武帝文帝臨海繼以宣後主叔寶長城公三十三載國五傳江東分王止於此事在晉書南史編隋平陳南北混為一故曰

元魏

分王止於此也

北則五胡相吞併五胡迭衰拓跋盛拓跋稱

帝晉安時為魏道武其名珪明元大武為之後文成

獻文紹其基逮于孝文改元氏宣武孝明魏始衰孝

莊節閔至孝武迫於高歡逃去之魏年一百四十九

北齊

此際分為東與西東魏孝靜元善見一十七年禪北

齊北齊高洋歡之子帝毓文宣其嗣廢孝昭武成後

主緯二十八年齊五世西魏遷由孝武脩依宇文泰

翻為初文帝廢帝恭帝廓二十三年禪後周後周之

業由泰作其子閔帝宇文覺歷明至武能滅齊宣至

隋靜闡周亦衰五傳二十有五載禪于楊堅國號隋拓跋

魏姓也揚堅高祖隋文帝篡周九年滅陳氏混一三十

唐

有八年煬廣恭侑侗三世煬音代隋而帝唐高祖其

名為淵其姓李有子世民即太宗取天下者皆其計

高宗之後中睿玄肅代德順憲穆繼敬文武宣懿僖

後梁

昭哀帝祝終二十世唐年二百有九十後梁朱溫篡

其位僖音賜名全忠帝名晃為梁太祖傳再世均王

後唐

友貞改名瑱梁王一十七年耳瑱他後唐本自沙陀

後晉

起朱邪歸唐賜姓李先王克用獨眼龍亞子存勗唐
 莊宗莊宗滅梁即遇亂嗣源繼之改名亶亶本胡人
 邈佶烈號曰明宗繼唐絕明宗之子閔帝廢潞王從
 珂本王氏三姓四世幾何時不過歷年一十四邈音
乞音後晉高祖石敬瑭其人本亦沙陀類借兵契丹除
 潞王出帝代之名重貴叔姪兩世十二年耶律德光
 蹂其地蹂忍尤反高祖劉暉為後漢暉即沙陀劉知遠再
 世隱帝名承祐四年即位後周篡高音郭威太祖創
 周室立子名榮柴后姪榮真英主號世宗嗣主宗訓
 諡曰恭三世十年實二姓繼周者誰趙匡胤胤羊進反匡

後漢

北宋

南宋

元

胤開基宋太祖削平僭偽一區宇太宗真仁英神哲
 徽佶欽桓金所虜天下自此又南北北為女真號金
 國金武元帝完顏旻弟晟承之謚文烈閔宗煬王及
 世宗章宗衛王至宣宗義宗守緒第九主一百一十
 七載終南為後宋遷江表徽子欽弟高宗構孝光寧
 宗至理宗此時函來守緒首度宗傳祚至孝恭端宗
 帝昺皆不久宋家三百二十年九世居前九世後晟音
成音鐵木真為元太祖再世太宗取金土定憲傳至
 世祖來遂平南宋一疆宇成武仁英及泰定明文寧
 帝至順主元氏十四世相承僅馭中華九十數馭音

大明混一統普天奄有華夷邁古先聖以繼聖永綿
延久安長治億萬年

十九史略通考凡例

一自太古至于周之列國一依曾氏舊本其有誕妄
不經之辭通鑑外紀所不載者悉刪而去之庶免
學者之亂惑自秦漢至于五代亦依曾氏舊本而
以朱子綱目正之宋亦依曾氏舊本而以四明陳
氏通鑑參之元則一依臨江張氏通鑑參編並不
敢妄爲之說

一音義並依洪武正韻羣玉等書及聖經賢傳參考
定編其州郡沿革則依臨川陳氏所編間有未備
者則采慈湖王氏集覽以補之

一自漢以下至于五代凡一君一國之下並以南宮
氏史斷附之以斷一君之賢否得失一國之興亡
治亂其有冗長者則刪之缺略者則補之自宋至
元則節取諸儒粹言竊附已意以斷之後之君子
儻不以僭為罪賜之訂正則幸矣

十九史略通考凡例畢

古今歷代標題註釋十九史略通考卷一之上

前進士廬陵 曾 先 之 編次

松塢門人番陽竹窩余進宗海通考

太古

天皇氏以木德王歲起攝提無為而化兄弟十二人

各一萬八千歲王去聲凡有天下者人稱之曰王則平聲據其身臨天下而言曰王則去

聲後皆做此○木德王謂以木德治天下凡旂服牲用皆尚青色餘如火赤土黃金白水黑皆此意也爾雅太歲在寅曰攝提格無為而化○地皇氏以火德謂上古民淳不待教令而自化也

王兄弟十一人亦各一萬八千歲○人皇氏兄弟九

人分長九州凡一百五十世合四萬五千六百年上長

分長九州

無為而化

聲○長君長之也九州莫充青徐揚荆豫梁雍也此
 時未有九州之目蓋追言之耳○愚聞之師曰八千
 之千當作百蓋即子以下自有天地至千子窮盡謂之
 元一元有十二會一會有一萬八百年子會生天丑
 會生地寅會生人至戌會則閉物而消天亥會則消
 天而消地至子會則又生天而循環無窮矣自寅會
 至午會星一度該四萬五千餘年正唐堯起甲辰之
 時也夫自開闢以來固有民物帝王第以書契未興
 無從稽考其曰天皇氏地皇氏人皇氏蓋亦傳聞其
 名而已故作史者以生民以來若干年歲洒派於三
 皇等氏之下以足其數豈真有一萬八千歲哉然
 不以四萬五千六百年錄之於唐堯之前而置之於
 此蓋亦誤矣學人皇氏以後有曰有巢氏構木為巢
 者不可不察
 食木實謂構架也謂聚柴薪以居禮記所至燧人氏始
 鑽燧教人火食鑽燧謂鑽木以取火也在書契以前
 年代國都不可攷攷與考同證也

構木為巢
 火教民食

太昊伏羲氏昊與皞通明也蓋以木德王位在東方象日之明故號太昊以能馴

伏羲氏故號
 伏羲氏也

太昊伏羲氏風姓蛇身人首代燧人氏而王臨川陳

姓者紘其祖考之所自出始畫八卦八卦乾坤離坎

孔安國曰伏羲王天下龍馬負圖造書契以代結繩

之政書契謂刻木書字也結繩者上古未有文字制

嫁娶以儷皮為禮儷音麗○以女從夫曰嫁取女為

衣鳥獸皮故以之為結網罟教佃漁罟音古○佃取

養犧牲以充庖厨故曰庖犧牛羊豕曰犧牲色純者

之所曰厨六畜之類其初亦野物也有龍瑞以龍

始畫八卦
 造書契

以龍
 紀官

紀官號龍師

伏犧受命有龍馬負圖出河之瑞故以龍紀官也春官青龍夏官赤龍秋官白

龍冬官黑龍中官黃龍

木德王都於陳

天子所居曰都都總州天下總會之所也陳州

各屬庖犧崩

禮記天子死曰崩王者尊居民上其死如從天墮地故曰崩

女媧氏

立亦風姓木德王始作笙簧

媧音夙○女媧氏蓋伏犧之女也或曰伏羲妹

也笙中金葉曰簧嚴氏曰笙以匏為之十三管列匏中而施簧管中吹笙則鼓動其簧以發聲也

媧氏沒有共工氏大庭氏柏皇氏中央氏歷陸氏驪

連氏赫胥氏尊廬氏混沌氏吳英氏朱襄氏葛天氏

陰康氏無懷氏風姓和承十五世

承繼也陳氏曰年

強說愚按伏羲以下唐堯以上年代不見於經傳無從稽考世紀所載固難盡信今姑從之

炎帝神農氏

以火德王故號炎帝以始教耕故又號神農氏也

○

炎帝神農氏姜姓人身半首繼風姓而立火德王斲

木為耜揉木為耒始教耕

牛首蓋頭有角也斲音捉耜音似揉忍尤反耒力遂

斲木為耜揉木為耒

反○斲斫也朱子曰耜所以起土耒柄也

作蜡祭以赭鞭鞭草木

蜡音乍赭音者

日中為市

嘗百草始有醫藥教人日中為市交易而退

醫亦作鑿○賀

易居貨之所曰市又貿易曰市

都於陳徙曲阜

曲阜縣名屬兗州

傳帝承帝

臨帝則帝百帝來帝襄帝掄姜姓凡八世五百二十

年世紀則作明百作直襄作哀

黃帝軒轅氏

以土德王故號黃帝以居軒轅之丘故又號軒轅氏也

○

黃帝軒轅氏公孫姓又曰姬姓名軒轅有熊國君少

典子也母見大電繞北斗樞星感而生帝少去聲○本姓公孫

長居姬水因改姬姓陰陽激曜曰電樞星北斗第一星也炎帝世衰諸侯相侵伐

習用干戈

軒轅乃習用干戈以征不享諸侯咸歸之與炎帝戰

于阪泉之野克之阪音及炎帝蓋帝掄干盾戈戟也

名在上谷○按征代始此世變可知矣蚩尤作亂其人銅鐵額能作大

禽蚩尤

霧軒轅作指南車與蚩尤戰於涿鹿之野禽之遂代

炎帝為天子蚩音答涿音卓禽與擒同○蚩尤當時

曰霧者陰陽蒙冒之氣蚩尤能為之以昏迷軍士指南車古制不可考唐憲宗始定其制車上有樓四角刻木為龍又刻仙人於上車雖回轉手常指南軒轅用之以定四方示軍士也或曰車上用子午盤針以

以雲紀官

定四方亦通涿鹿郡名屬北平今涿州土德王以雲紀官為雲師應劭曰黃

帝受命有雲瑞故以雲紀事也春官青雲夏官縉雲秋官白雲冬官黑雲中官黃雲以風后為

相力牧為將相將皆去聲後多倣此學者當以意求之受河圖見日月星

辰之象始有星官之書河圖未詳蓋與伏犧河圖異也命大撓占斗

子作甲制十律

建作甲子容成造曆隸首作筭數伶倫造律呂撓音

音詹隸音利○大撓容成隸首伶倫皆臣名占測也謂下驗斗柄初昏所指月建而以天干十地支十二配

為六十甲子也筭數謂九章筭法也律呂截竹為箛陰陽各六以節五音之上下黃鍾大蕤姑洗蕤賓夷

則無射為六陽律大呂夾鍾仲呂林鍾南呂應鍾為六陰呂也為文章以表貴賤作

舟車以濟不通文章衣類畫瑟分州得百里之國萬區

遠夷之國莫不入貢野音帝崩有子二十五人其得

姓者十四世紀黃帝在位一
百年提要云黃帝正妃
嫫祖生二子曰玄囂
昌意又有庶子二十
五人其中十四人有爵
士一得賜姓餘為庶人

少昊金天氏以金德王位在西方
象暎日之明故號少昊
金天氏也

火昊金天氏名玄囂黃帝子也亦曰青陽其立也鳳

鳥適至以鳥紀官鳳瑞禽羽虫之長王者德盛則至
左氏傳曰祝鳩氏司走也
睢鳩氏

司馬也鳴鳩氏司空也
鷦鷯氏司冠也鷦鷯氏
司事也○世紀少昊金德
王在位八十四年

顓頊高陽氏顓頊音專旭○高陽蓋顓頊所興
之地名因以為氏今開封府杞縣

是也

顓頊高陽氏昌意之子黃帝孫也少昊之衰九黎亂

德民神雜糅不可方物黎氏九人當時諸侯雜糅
糅混處也方猶分辨也顓頊

受之乃命南正重司天以屬神火正黎司地以屬民

使無相侵瀆重平聲屬音竹○南正火正並官名揚
子法言重黎篇火作北重黎人名重少

昊子勾芒黎顓頊子祝融也司主也屬神謂明其祭
祀之禮以聯屬之也屬民謂明其三綱五常之道以

聯中屬之也瀆藝也言神
不侵民民不瀆神也始作曆以孟春為元世紀顓
頊以水

德一王在位
七十八年

帝嚳高辛氏嚳音酷○高辛蓋帝嚳所興之
地名因以為氏在西京偃師縣

帝嚳高辛氏玄囂之孫黃帝之曾孫也生而神靈自

言其名代顓頊而立居於亳亳音泊地名今亳州○
世紀玄囂生極蟠極蟠

生帝嚳以木德一王
在位七十五年

帝堯陶唐氏堯名也夏商以前帝王並以名稱
至周文武始有謚而謚法有下刻善

以鳥紀官

生而神靈

傳聖曰堯及善行德義曰堯者蓋因唐帝以起義非謂當時即以堯謚唐帝也舜禹桀紂皆倣

此堯初為唐侯後為天子都陶故號陶唐氏也

○帝堯陶唐氏伊祈姓或曰名放勛帝嚳子也放勛音方熏

朱子曰放至也勛功也本史臣贊堯之辭後人因以為堯名也其仁如天其知如神

就之如日望之如雲知去聲○如天言其發育萬物也如神言其無所不知也就猶

不剪依也言人依就之如隆寒之伺以火德王都平陽茅

茨不剪土堦三等茨音慈○平陽府名屬今山西剪裁也言以茅茨蓋屋不取齊整也

也等級有草生庭十五日以前日生一葉以後日落一

葉月小盡則一葉厭而不落名曰冀茨觀之以知旬

朔厭音業冀音冥茨音劫○厭乾黃之意十日曰旬月一日曰朔治天下五十年不

知天下治歟不治歟億兆願戴已歟不願戴已歟問

左右不知問外朝不知問在野不知治天下之治平聲治歟之治去聲

皆倣此聲凡為理物之義者平聲為已理之義者則去聲後皆倣此朝音朝○十萬曰億十億曰兆戴仰也郊外

游於康衢康衢乃微服游於康衢聞童謠曰立我烝民莫匪爾極

不識不知順帝之則陳氏曰微服微賤之服也爾雅路五達曰康四達曰衢烝衆也

有老人此四句贊美之辭言立此衆民無非帝德我則無所識無所知唯順堯帝之法則而已

含哺鼓腹擊壤而歌曰日出而作日入而息鑿井而

飲耕田而食帝力何有於我哉哺音步○食在口曰

記蓋老人怡神養性之具也作起也此五句樂道之辭

番陽石氏曰堯德如天廣大無窮康衢之謠感戴

之也擊壤之歌則忘之矣王者之民皞皞如也其如是乎又曰康衢之謠童子之辭也擊壤之歌老人之辭也老少各得其樂於此見矣

愚謂帝堯聞此歌謠蓋始知天下之治億兆之願戴已也

觀于華華封人曰噫請祝聖人使聖人壽富多男子堯曰辭多男子則多懼富則多事壽則多辱封人曰天生萬民必授之職多男子而授之職何懼之有富而使人分之何事之有天下有道與物皆昌天下無道修德就間千歲厭世去而上僊乘彼白雲至于帝

四嶽
舉舜

鄉何辱之有華去聲開闕同僊仙同○華四岳山名封人掌封疆之官噫歎辭祝祈願也昌

盛也厭堯立七十二年有九年之水使絲治之九載

弗績絲音哀禹父崇伯名績功也蓋唐虞三載考績三考黜陟幽明故絲治水必九載弗績而後黜

堯老倦于勤四嶽舉舜攝行天子事九峯蔡氏曰四岳官名蓋

一人而總四岳諸侯之事也堯子丹朱不肖乃薦舜於天堯崩舜

即位肖似也言其不似父賢也詳見孟子

帝舜有虞氏謚法仁聖盛明曰舜說見唐紀一虞舜氏因以為天下之號也

○帝舜有虞氏姚姓或曰名重華瞽瞍之子顓頊六世

孫也姚音遙重平聲重復也瞽瞍音古叟○言堯有光華而舜又有光華故曰重華本史臣贊舜之

辭因以為舜名也目有瞳而無明曰瞽無瞳曰瞍父有目而不識賢愚故稱瞽瞍世紀顓頊生窮蟬窮

舜盡
孝悌
之道

讓居
讓畔

妻帝
二女

去四
凶舉
八元
凱

蟬生敬康敬康生勾望勾望生父惑於後妻愛少子

象常欲殺舜舜盡孝悌之道烝烝乂不格姦○象舜

異母弟也善父母曰孝善兄弟曰悌烝進乂治格至

姦惡也言舜雖處人倫之變而能盡孝悌之道使父

母及弟進進以善自耕歷山民皆讓畔漁雷澤人皆

讓居陶河濱器不苦窳所居成聚二年成邑三年成

都○音古又孔五反窳音宇○歷山在河東雷澤在

濟陰陶謂燒土為器也河濱在濟陰定陶苦窳謂

濫惡不中也或曰苦猶患也言舜陶河濱民化其德

不以窳器相欺自是民賴其用不復患於是矣聚落

也如村落部落也周禮四井為邑四邑為都成聚成

邑成都言民歸舜之漸如此所謂天下之士多就之

者是也○不格姦以上言舜之德化於外也堯聞之聰明

舉於畎畝妻以二女曰娥皇女英釐降於嬭汭畎音

去聲釐音離嬭音圭納音芮○以女事人曰妻釐治

也降下也嬭水名在歷山西水北曰納又小水入大

水之名蓋二水合流之內也舜居於此堯治裝遂相

以二女下嫁之所謂二女事之以觀其內是也遂相

堯攝政放驪兜流共工殛鯀三苗舉才子八元八

凱相去聲驪音歡兜當侯反共平聲殛音棘○朱子

曰流徙也驪兜人名共工臣名二人比周相與為

黨殛誅也鯀方命圯族治水無功竄逐也三苗國名

負固不服皆不才之子故舜誅之所謂四罪而天下

咸服是也元善也凱和也高辛氏有才子八人謂伯

奮仲堪叔獻季仲伯虎仲熊叔豹季狸也天下謂之

八元舜舉之使布五教高陽氏有才子八人謂之

八俊禹敷大臨靡降庭堅仲容叔達也天下謂之八

凱○朱子堯崩舜避位河南天下朝覲訟獄謳歌

者不歸堯之子而歸舜遂即位朝音潮○朱子曰河

也詳見孟子之士德王命九官咨十二牧命九官謂

也詳見孟子之士德王命九官咨十二牧命九官謂

也詳見孟子之士德王命九官咨十二牧命九官謂

也詳見孟子之士德王命九官咨十二牧命九官謂

也詳見孟子之士德王命九官咨十二牧命九官謂

也詳見孟子之士德王命九官咨十二牧命九官謂

也詳見孟子之士德王命九官咨十二牧命九官謂

也詳見孟子之士德王命九官咨十二牧命九官謂

也詳見孟子之士德王命九官咨十二牧命九官謂

也詳見孟子之士德王命九官咨十二牧命九官謂

也詳見孟子之士德王命九官咨十二牧命九官謂

也詳見孟子之士德王命九官咨十二牧命九官謂

也詳見孟子之士德王命九官咨十二牧命九官謂

歌南風之詩

空棄為后稷契為司徒番共工益為虞伯夷作秩宗
皋陶作士夔典樂龍作納言也十二牧謂冀兗青徐
揚荆豫梁雍幽并營四海之內咸戴舜功也戴仰
千二州牧民之官也彈五

絃之琴歌南風之詩而天下治其詩曰南風之薰兮

可以解吾民之愠兮南風之時兮可以阜吾民之財

兮治去聲○溫含怒時景星出卿雲興百工相和而

歌曰卿雲爛兮禮漫漫兮日月光華且復且兮卿與

和去聲漫叶音漫○慶雲五色祥雲也蓋王者制禮
作樂得天意則景星出德至山陵則卿雲興百工百

衆盛貌

石氏曰南風之詩上之所以樂也卿雲之歌下之

所以樂也君臣上下各得其樂於此見矣

薦禹於天

舜子商均不肖乃薦禹於天舜南巡狩崩於蒼梧之

野在位六十一載禹即位天子適諸侯曰巡狩巡狩

詳見舜典蒼梧山名亦曰九疑在今道州寧遠縣南
舜墓在焉孟子謂舜卒於鳴條與此不同未知孰是

夏后氏夏禹有天下之號按三代夏獨言后氏
者蓋舜帝也禹王也言后所以別於帝

也舜禹俱祖顓頊而舜虞氏禹夏氏
言氏所以別其子孫之所自也

夏后氏禹姒姓或曰名文命鯀之子顓頊孫也陳氏
曰命

教也言禹敷其文教於四
海因以文命為禹名也

愚按堯舜禹世系皆司馬遷所記而曾氏仍其舊

焉今以其說考之堯禹則是黃帝五世孫而舜則

是黃帝九世孫堯奚為以二女下嫁五從姪而安

開九
州通
九道

於同姓之無別乎且舜禹俱祖顓頊而禹去顓頊才三世舜去顓頊遠七世亦不合事情舜何由反先受堯禪而後傳禹乎大抵史遷以二帝三皇秦漢俱祖黃帝恐皆附會故其顛錯謬戾有如此者豈可盡信哉堯舜禹之事乃聖人授受之大節故予不可不辨

蘇陸洪水舜舉禹代之勞身焦思居外八年過家門不入陸行乘車水行乘船泥行乘橇山行乘攬開九州通九道陂九澤度九山告厥成功殛嘉之使率百官行天子事陸音因思去聲橇丘妖反攬音菊一作橇

左準
繩右
規矩
車下
罪泣
人

行泥上一權以鐵為之其狀如錐施之履下以山行不蹉跌也九道九州之路也陂者障而聚水也禹貢所謂雷夏既澤彭蠡既豬之類是也九州之山也禹貢所謂導岍及岐至于荆山之類是也○朱子曰繇不順五行之性築隄以障潤下之水故弗績禹則順水之性而導之使下故成功程子曰今河北有繇隄亦其證也舜崩禹避位於陽城天下之人不歸舜之子

而歸禹乃踐位水德王以寅月為歲首陽城高山下深谷中可藏

處也詳見孟子聲為律身為度左準繩右規矩言禹發言應律呂所行合之器言其動作威儀皆可則象也一饋十起以勞天

下之民勞去聲下同安慰也出見罪人下車問而泣曰堯舜之

人以堯舜之心為心寡人為君百姓各自以其心為

心寡人痛之寡人寡德之人謙辭也古有醴酪至禹時儀狄作

疏音 酒鑄九鼎

酒禹飲而甘之曰後世必有以酒亡國者遂疏儀狄

醴音禮一宿成之酒也酪音洛 乳漿也疏疎同言不親近也 收九牧之金鑄九鼎

三足象三德以享上帝鬼神九牧九州牧伯也九鼎象九州蓋烹飪之器而

傳國之寶也三德謂正 直也剛也柔也享祭也 會諸侯於塗山執玉帛者萬

塗山在臨濠府鍾離縣西玉謂五等之主璧也諸 國侯所執帛謂玄纁黃三色之幣帛也附庸所執

出濟江黃龍負舟舟中人懼禹仰天歎曰吾受命於

天竭力以勞萬民生寄也死歸也視龍猶蝦蟇顏色

不變龍俛首低尾而逝猶如也蝦蟇音偃挺蜥蜴也 一名守宮謂龍而無角謂蛇

而有南巡至會稽山而崩會音檜稽音筭 足也在今紹興府 子啓賢能

天下 歸啓

繼禹道禹嘗薦益於天謳歌朝覲者不之益而之啓

曰吾君之子也啓遂立朝音 潮

孔子曰唐虞禪夏后殷周繼其義一也

孟子曰天與賢則與賢天與子則與子詳見孟 子本文

有扈氏無道啓討之于甘扈音戶夏同姓之國甘地 名在扶風鄠縣事見書甘

晉傳 啓崩子太康立盤遊弗返有窮后羿立其弟仲

康而專其政羲和黨於羿胤侯承王命征之胤音印 胤音胤

寒浞 殺羿

窮國后君也羲和氏夏合為一 官也胤國侯爵也事見書胤征篇 仲康崩子相立

羿弑相篡立孽臣寒浞又殺羿自立相去聲篡初患 反浞食角反

下殺上曰弑逆而奪取之曰篡孽寵幸也寒姓浞名 也鄒氏曰王相立二十八年為羿浞所弑夏統中絕

者四十年○按 相之后有仍國君女也方娠奔有仍

征有 扈 后羿 專政

寒浞 殺羿

有成 一有旅

孔甲 好鬼 神 劉累 擾龍

而生少康其後少康有田一成有衆一旅因夏舊臣

靡舉兵滅浞而復禹之績娠音申孕也十里地為績功五百人為旅靡臣名績功

也自少康以來歷王杼王槐王芒王泄王不降王扁

王厘至王孔甲好鬼神事淫亂夏德衰天降二龍有

雌雄陶唐氏之後有劉累者學擾龍以事孔甲賜之

姓御龍氏龍一雌死潛醢以食孔甲復求之累懼而

逃好去聲累力鬼反擾音遼醢音海食音似復扶又反○擾謂馴其性而養之也醢肉醬也言累藏

求龍以為醢以食孔甲孔甲既饗復孔甲之後歷王

皇王發至王履癸號為桀貪虐力能伸鐵鉤索伐有

施氏有施以末喜女焉有寵所言皆從為瓊宮瑤臺

肉山 酒池

殫民財肉山脯林酒池可以運船糟堤可以望十里

一鼓而牛飲者三千人末喜以為樂國人大崩湯伐

夏桀走鳴條而死末外紀作妹女去聲殫音丹樂音洛○謚法賊人多殺曰桀說見唐

紀施國名當時諸侯以女與人曰女乾肉曰脯山林

喻其多也堤亦作隄言累糟如隄防之高十里可望

見之也牛飲謂飲酒如牛飲水然山壞曰崩言人心離叛如山崩而不可救也鳴條地名在安

邑西不曰崩而曰死蓋取之也夏為天子二十七世凡四百五十八年

雙峯胡氏曰舜之稱禹有曰地平天成六府三事

允治萬世永賴時乃功謂宜禹有天下子孫世守

而不失也然再傳而太康失邦四傳而王相滅國

人孰不以爲天之不可必也然少康以遺腹子羈
旅遺竄之餘有田一成有衆一旅輔以遺臣靡卒
能復禹之績祀夏配天不改舊物誠以禹之功大
德茂故天陰隲於冥冥之中也耶嗚呼以一太康
而失邦以一王相而滅國又以一少康而中興裁
培傾覆固天道之常亦存乎其人耳未可專論其
世也有天下者尚鑒乎茲

殷契始封商成湯因以爲有天下之號也
至盤庚遷亳殷始號殷或殷商並稱也

殷王成湯子姓名履湯號也武功成湯其先曰契帝嚳子
也母簡狄有娥氏女見玄鳥墮卵吞之生契爲唐虞

司徒封於商賜姓契音肩娥音嵩卯魯管切○朱子

之妃簡狄祈于郊謀亂遺卵簡狄吞之而生契也司
徒掌教之官商州名屬今陝西以吞卵而生故賜子

姓傳昭明相土昌若曹圉曰冥曰振曰微曰報丁報

乙報丙主壬主癸相去聲國音女主癸子天乙是爲湯始都

亳使人以幣聘伊尹于莘進之夏桀不用復尹歸湯

如是者五莘所臻反復扶又反下並同○伊尹名摯
莘國名在汴州陳留縣或曰在同州郃陽

縣桀殺諫者關龍逢湯使人哭之桀怒召湯囚夏臺

已而得釋逢音旁○夏臺夏獄各殷曰美湯出見有
里周曰園土秦曰囹圄釋放也

張網四面而祝之曰從天降從地出從四方來者皆

罹吾網湯曰噫盡之矣乃解其三面改祝曰欲左左

祝網
去三
面

放祭于南巢

欲右不用命者入吾網諸侯聞之曰湯德至矣及禽獸羅音離遭也噫音希歎辭至極也言禽獸欲從左去者則左之欲從右去者則右之但不用命者乃入吾網此可見仁人之本心矣小伊尹相湯伐

祭放之南巢諸侯尊湯為天子金德王以丑月為歲

首蔡氏曰盧江六縣有居巢城今無為州巢縣是也桀奔於此因以放之

楊氏曰伊尹之相湯以三聘之勤也其就祭也湯進之也湯豈有伐祭之意哉其進伊尹以事之也欲其悔過遷善而已伊尹既就湯則以湯之心為心矣及其終也人歸之天命之不得已而伐之耳若湯初求伊尹即有伐祭之心而伊尹遂相之以

伐祭則是以取天下為心也以取天下為心豈聖人之心哉

大旱七年

六事自責

大旱七年太史占之曰當以人禱湯曰吾所為請者民也若必以人禱吾請自當遂齊戒剪爪斷髮身嬰白茅以身為犧牲禱于桑林之野以六事自責曰政不節歟民失職歟官室崇歟女謁盛歟苞苴行歟讒夫昌歟言未已大雨方數千里所為之為去聲斷音短苴子余反○太史

官名今欽天監官也以人禱謂殺人以祭也所為請言為民而請雨也嬰統也不節謂政事不簡失職謂民生不遂女謁婦女請託也裹曰苞苴

曰苴謂賄賂也讒夫昌謂佞人盛多也 湯崩太子太丁早卒次子外丙立二年崩弟仲壬立四年崩禮記

太甲
悔過
自責

太戊
脩德
祥桑
枯死

云大夫死曰卒太丁未立而卒故亦稱卒太丁之子太甲立不明伊尹放

之桐宮居憂三年悔過自責尹乃奉歸亳循德諸侯

歸之不明謂昏暗所謂顛覆湯之典刑是也桐湯墓所在伊尹營宮放太甲於此太甲為仲壬後故

為居喪三年

公孫丑曰伊尹曰予不狎于不順放太甲于桐民

大悅太甲賢又反之民大悅賢者之為人臣也其

君不賢則固可放與孟子曰有伊尹之志則可無

伊尹之志則篡也

自太甲歷沃丁太庚小甲雍已至太戊亳有祥桑穀

共生于朝一日暮大拱伊陟曰妖不勝德君其脩德

河亶
甲遷
于相

祖乙
居耿

盤庚
復遷
于亳

高宗
夢得
良弼
雉鳴
于鼎

太戊脩先王之政三日而祥桑枯死殷道復興號稱

中宗戊音茂朝音潮祥妖異也穀楮木也兩手

太戊歷仲丁外壬至河亶甲避水患遷于相亶多簡

聲○陳氏殷曰水患者河決之害至祖乙居耿又圮也相州名屬河東今彰德府是也

于耿圮部弭反○鄒氏曰耿城名在河中府龍門縣蓋相都又有河決之害故遷耿也河水所毀曰

圮歷祖辛沃甲祖丁南庚陽甲至盤庚自耿復遷于

亳殷道復興詳見書盤庚篇自盤庚歷小辛小乙至武丁夢

得良弼曰說說為胥靡築于傅巖求得之立為相武

丁祭湯有飛雉升鼎而雉武丁懼而反已殷道復興

號稱高宗說音悅為胥之為去聲雉音構○說人名姓傳胥靡謂聯繫相從服役之刑徒也傳

岩傳氏之岩在陝州虞魏之界二通道所經有澗水冲
壞常使昏靡築護之說賢而貪故代昏靡服役以供
食而高宗物色得之也雉野雞也
雉鳴也反已謂反而求諸身也
自武丁歷祖庚祖

甲廩辛庚丁至武乙無道為偶人謂之天神與之博
令人為行天神不勝乃僂辱之為革囊盛血仰射之

命曰射天出獵為暴雷震死稟音凜為行為暴之為
去聲 倬戮同盛音成下

同射音石○陳氏曰以土木為一人曰偶人一局戲曰博
為行者代行博采也革囊皮袋也以其死非命故不

稱歷太丁帝乙至帝辛名受號為紂資辯捷疾手格

崩猛獸智足以拒諫言足以飾非謚法殘義損善曰紂
見唐紀格擊也

始為象箸箕子歎曰彼為象箸必不盛以土簋將為

玉杯玉杯象箸必不羹藜藿衣短褐而舍茅茨之下

拒諫飾非象箸玉杯

則錦衣九重高臺廣室稱此以求天下不足矣簋音
鬼衣

去聲禍音曷重平聲稱去聲○象箸以象牙為箸也
箕國子爵紂諸父也土簋瓦器藜野菜藿豆葉褐毛

布也九重言紂伐有蘇氏有蘇以妲己女焉有寵其

宮闕深也言皆從妲音妲
女去聲厚賦稅以實鹿臺之財盈鉅橋之粟

廣沙丘苑臺以酒為池縣肉為林為長夜之飲縣平
聲

諸侯有畔者紂乃重刑辟為銅柱以膏塗之加於炭

火之上使有罪者緣之足滑跌墮火中與妲己觀之

大樂名曰炮烙之刑辟音僻樂音洛炮音庖烙音洛
○畔與叛同背也辟法也膏油

也跌失足也置肉於火淫虐甚庶兄微子數諫不從

去之比干諫三日不去紂怒曰吾聞聖人之心有七

酒池肉林

竅剖而觀其心箕子佯狂為奴紂囚之

數音朔竅告予反佯音羊

○妾母所生曰庶微國子爵也比干紂諸父竅孔也佯詐狂惑疾也古者奴婢皆以罪人為之箕子因諫得罪故為奴

朱子曰三人行不同而皆出於至誠惻怛之意

故不拂乎愛之理而有以全其心之德也孔子所

以謂三仁

陳氏曰微子去之欲存宗祀比干死諫欲悟君心

箕子佯狂意猶規諫迹雖不同為仁一也

周侯昌及九侯鄂侯為紂三公紂殺九侯鄂侯爭并

脯之昌聞而歎息紂囚昌美里昌之臣散宜生求美

囚昌美里

女珍寶進紂大悅乃釋昌昌退而脩德諸侯多叛紂

歸之昌卒子發立率諸侯伐紂紂敗于牧野衣寶玉

自焚死殷亡

九音仇鄂音岳散上聲爭衣皆去聲美音酉○周九鄂並國名侯爵也三公太

師太傅太保也散氏宜生名美里殷獄名牧野在紂都朝歌南箕子後朝周過故殷

墟傷宮室毀壞生禾黍欲哭不可欲泣則為近婦人

乃作麥秀之歌曰麥秀蘄蘄兮禾黍油油彼狡童兮

不與我好兮殷民間之皆流涕

朝音潮蘄音夫亦作漸○史記武王克商

封箕子於朝鮮而不臣此曰朝周即所謂於周為客者也殷墟謂殷之宮室廢為丘墟也有聲曰哭無聲

有淚曰泣蘄蘄秀貌油油盛貌狡童指紂好謂善也殷為天子三十一世六百

四十年

麥秀之歌

雙湖胡氏曰湯聖德革命而興由湯至于武丁賢聖之君六七作天下歸殷久矣久則難變也使紂中主猶可守業奈何淫虐而不已邪蓋至於此始知不可專以祖德論也有德則興無德則亡天豈容一毫私意於其間哉

周古公亶父所居之地武王因以為天下之號也

○周武王姬姓名發后稷十六世孫也按父子相承為一世又三十年

亦為一世然后稷陶唐時人自唐至周武王有天下時該一千二百餘年止十六世殊不合事情其謬誤昭矣大抵史遷帝王世次多不足信朱子詩傳亦謂古公為后稷十三世孫蓋據此說而未之考耳

后稷名棄棄母曰姜嫄為帝嚳元妃出野見巨人迹

姜嫄
巨跡
後人
生稷

心欣然踐之生棄以為不祥棄之隘巷馬牛避不踐置之平林適會林中多人遷之徙置寒冰鳥覆翼之

以為神遂收之隘於懈反覆敷救反○以初棄之故名棄姜姓嫄名有邵氏女也隘狹也

會直也遷之謂移於安地也覆蓋翼藉也以一翼覆之以一翼藉之也

朱子曰無人道而生子或者以為不祥故棄之而有此異也於是始收而養之然巨迹之說先儒或頗疑之而張子曰天地之始固未始先有人也則人固有化而生者矣蓋天地之氣生之也蘇氏亦曰凡物之異於常物者其取天地之氣常多故其生也或異麒麟之生異於犬羊蛟龍之生異於魚

鼈物固有然者矣神人之生而有異於人何足侘哉斯言得之矣

兒時屹如巨人之志其游戲好種樹及成人能相地

之宜教民稼穡興於陶唐句虞夏之際為農師封於

邠別其姓號后稷屹魚一反好相皆去聲別彼列反

緣歛曰穡際謂交會之間邠國名在京兆府武功縣朱子曰邠后稷之母家也豈其或滅或遷而遂

以其地封卒子不窋立夏后氏政衰不窋失其官奔

戎狄之間窋之出反○西夷曰戎北夷曰狄不窋失其官蓋當夷羿篡弑之時及少康興而復

也不窋卒子鞠立鞠卒子公劉立復脩后稷之業

務耕種百姓懷之遷于豳復扶又及豳音彬一自公

后稷為農師

公劉脩后稷之業

劉歷慶節皇僕參弗毀隃公非高圉亞圉公叔鉏參

音差隃音隃至古公亶父獫狁侵之去豳渡漆沮

踰梁山邑於岐山之下居焉豳人曰仁人也不可失

也扶老携幼以從句他旁國皆歸之父音甫獫音

沮音七起水名在扶風杜陽縣梁山在雍州岐山縣

邑作邑也岐山在扶風美陽西北其南有周原作邑於此因改古公長子太伯次虞仲其妃太姜生少子

李歷李歷娶太任生昌有聖德太伯虞仲知古公欲

立季歷以傳昌乃如荆蠻斷髮文身以讓季歷長上

去聲斷音短○太姜姜姓女也太任琴國任氏女也如

往也荆者楚之舊號蠻者南夷之名文身謂刻其身而涅之以示不可為君也

太任生昌有聖德

古公去豳

孔子曰太伯其可謂至德也已矣三以天下讓民無得而稱焉說者謂太伯之德當商周之際固足以朝諸侯有天下矣乃棄不取而又泯其迹焉則其德之至極為何如哉宜夫子之贊美而歎息之也

昌立
為西
伯

古公平公季立公季卒昌立為西伯西伯脩德諸侯歸之伯長也紂命文王為西方諸侯之長得專征伐故號西伯虞芮爭田不能決乃如周入界見耕者皆遜畔民俗皆讓長二人慙相謂曰吾所爭周人所耻乃不見西伯而還俱讓其田不取漢南歸西伯者四十國皆以為受命之君三分

天下有其二

長上聲○虞芮二國名如牲也漢南漢水之南也蓋天下歸文王者六州荆梁雍豫

徐楊也惟音充冀尚屬紂耳

孔子曰三分天下有其二以服事殷周之德其可謂至德也已矣

有呂尚者東海上人窮困年老漁釣至周句西伯將

尊呂
尚為
太公

獵卜之曰非龍非虜非熊非羆非虎非貔所獲霸王之輔果遇呂尚於渭水之陽與語大悅曰自吾先君太公曰當有聖人適周周因以興子真是邪曰吾太公望子久矣故號曰太公望載與俱歸立為師謂之

師尚父

虜音離羆音卑緄音皮父音甫○呂氏尚名也姓姜隱於東海聞文王善養老入釣于周

諸侯會者八百

以就養焉事見孟子一鼯熊羅魏虎並獸名渭水出渭州渭源縣鳥鼠山至同州馮翊縣入河水北曰陽謂之師尚父者言其可師可尚可父也西伯卒子發立是為武王率脩西

伯緒業十三年諸侯不期而會者八百皆曰紂可伐矣王不可引歸紂不悛王乃伐之峻音千○謚法剛強直理曰武又威

強敵德刑民克服誇志多窮皆曰武悛改過也

張子曰此事間不容髮一日之間天命未絕則是君臣當日命絕則為獨夫然命之絕否何以知之人情而已諸侯不期而會者八百武王安得而止之哉

伯夷叔齊

伯夷叔齊叩馬而諫左右欲兵之太公曰義人也扶

叩馬而諫

而去之伯夷叔齊孤竹君之二子叩馬說文云牽馬也兵猶殺也太公以二人知君臣之義故扶

而去之

蓋武王太公之心恐一時之無君伯夷叔齊之心恐萬世之無君此義並行而不相悖也

王既滅殷為天子追尊古公為太王公季為王季西伯為文王火德王以子月為歲首謚法經天緯地曰文又道德博聞勤

學好問慈惠愛民愍民惠禮錫民爵位忠信據理皆曰文○朱子曰天開於子地闢於丑人生於寅故斗柄建此三辰之月皆可也天下宗周而伯夷叔齊恥

不食周粟

之義不食周粟隱於首陽山作歌曰登彼西山兮采其薇矣以暴易暴兮不知其非矣神農虞夏忽焉沒

兮我安適歸矣于嗟徂兮命之衰矣遂餓而死的適音于

吁同○宗周謂尊周為天子也首陽山在河中府河東縣南薇似蕨而差大有芒而味苦可食也易換也

言武王之暴與紂無異如以暴易暴也適專主也春秋傳曰吾誰適從是也徂死也餓死謂不食周祿以終身非飢餓而死也

武王崩太子誦立是為成王謚法安民成

王幼周公位冢宰攝政管叔蔡叔流言曰公將不利

於孺子與武庚作亂武庚者武王所立紂子祿父為

殷後者也周公東征誅武庚管叔放蔡叔王長周公

歸政長上聲○周公名且武王弟也冢宰太宰也管叔名鮮蔡叔名度皆武王弟而監殷者也流言無根之言如水之流自彼而至此也不利言其欲為篡弒不利於成王也歸猶還也東征事詳見書金縢大誥及詩東山等篇

周公歸政

營洛邑

范氏曰象日以殺舜為事舜為天子也則封之管

蔡啓商以叛周公之為相也則誅之迹雖不同道

則一也蓋象之禍及於舜而已故舜封之管蔡流

言將危周公以間王室得罪於天下故周公誅之

非周公誅之天下之所當誅也周公豈得而私之

初武王作鎬京謂之宗周是為西都將營洛邑未果

王欲如武王之志召公遂相宅周公至洛築王城是

為東都以洛為天下中四方入貢道理均也王居西

都而朝會諸侯於東都鎬音浩相去聲朝音潮○鎬京在豐邑之東召公名奭相

視也言下視洛之周公召公相成王為左右自陝以西

召公主之自陝以東周公主之陝音閃相去聲○

按三代之興皆由賢臣禹拜昌言一饋十起妣氏

以興湯學伊尹從諫弗拂子姓大昌文武之時尚

父為師亂臣十人周召夾輔實隆姬氏嗚呼用賢

則興不用則亡為人君者可不慎哉

交趾南有越裳氏重三譯而來獻白雉曰吾受命國

之黃耆天無烈風淫雨海不揚波三年矣意者中國

有聖人乎周公歸之王薦于宗廟使者迷歸路周公

錫以駟車五乘皆為指南之制使者載之由扶南林

邑海際暮年而至國故指南車常為先導示服遠人

重譯來朝

而正四方

重平聲譯音亦考音狗駟音此來使皆去聲○交趾郡名本南粵之地越裳國又在

其南通兩番之語曰譯蓋路經三國恐一使不通故重三譯而來也老人髮白復黃面色如垢故曰黃耆

自天無至聖人乎二十一字乃黃耆之言也歸之王謂歸功於成王也稱先王神靈故薦于宗廟也錫賜

也四面有屏蔽者曰駟車扶南林邑二國名並在南蠻歲一周曰蒼導引也○孔子曰如有王者必世而

後仁說者謂周自文武至于成王而後禮樂興即其效也成王崩于康王釗立成

康之際天下安寧刑錯四十餘年不用釗音昭錯音措○謚法安

樂撫民曰康又淵源流通曰康溫柔好樂曰康錯捨置也蓋承文武道隆德盛之後民不犯刑也康

王崩于昭王瑕立昭王南巡狩至楚以膠舟載之溺

不返膠音交○謚法聖聞周達曰昭正義曰昭王德衰南征濟漢舟人惡之以膠舟進王御其舟至

中流膠液而溺死○子穆王蒲立有造父者以善御

昭王南巡不返

刑錯不用

按周室之衰始此

子穆王蒲立有造父者以善御

徐子作亂

荒服不至

夷王下堂見諸侯

衛巫監謗

周召共理國事

幸於王得八駿馬遊行天下將皆有車轍馬迹王西

巡樂而忘返徐子乘時作亂造父御王長驅歸救亂

命楚討徐誅之造音操父音甫樂音洛八駿曰絕地

日翻羽曰奔霄曰超景曰踰輝曰超光曰騰霧曰挂翼也或以驂騮騶騊赤驎白兔驍渠黃輪黑驪山子

謂之八駿未可知孰是徐國子爵姓嬴王將征犬戎祭

公謀父諫曰先王耀德不觀兵王不聽征之得四白

狼四白鹿以歸自是荒服不至諸侯不僻祭音甫觀音

貫○犬戎西戎名祭國公爵諫父字也耀明也觀視也言下先王以德服人不足以兵威示人也荒服處方諸

和也時穆王崩子共王繫扈立共與恭同繫音夷扈美

容曰共又敬崩子懿王囂立崩翁孝王辟方立崩子

夷王燹立下堂而見諸侯楚始僭稱王難音艱辟音

○以天子之尊而下堂見諸侯君弱之甚也夷王崩子

厲王胡立無道暴虐侈傲得衛巫使監國人之謗者

以告則殺之道路以目王喜曰吾能弭謗矣或曰是

障也防民之口甚於防川水壅而潰傷人必多王弗

聽於是國人相與畔王出奔彘二相周召共理國事

號曰共和者十四年而王崩于彘弭音米壅音勇潰

法殺戮不辜曰厲監禁察也以告則殺之謂下巫以謗者告王王即殺之也弭止也潰冲决也陳氏殷曰彘

縣名屬河東今霍邑是也此周召非周公且召公奭也自二公之後凡輔相者皆通稱周召也二相和協

共理國事故號共和○子宣王靖立任賢使能有召

按詩之變風變雅始此

宣王
任賢
使能

龍
之妖

褒姒

舉烽
火戲
諸侯

犬戎
絀幽
王

穆公方叔尹吉甫仲山甫等為政於內外王化復行

周室中興焉謚法聖善周聞曰宣善聞周達曰宣賢有德者任之則足以正君而善俗能有

才者使之以則足以脩政而立事召穆公名虎出平淮夷方叔南征荆蠻尹吉甫北伐獫狁仲山甫以補褒

職所謂為政於內外也崩于幽王宮涅立初夏后之世有二龍

降于庭曰予褒之二君下藏其髹歷夏殷莫敢發周

人發之髹化為龍童女遇之而孕生女棄之宣王時

有童謠曰檠弧箕服實亡周國適有鬻是器者宣王

使人執之其人逃句於道見棄女哀其夜號而收之

逸於褒至是褒人有罪入是女於王是為褒姒王嬖

之混乃結反繫丑之反音元繫音掩雷音育號平聲○謚法壅遏不通曰幽繫涎沫也雷似龍而大

歷山桑也號弓也箕竹名亦作其草也服矢房也鬻賣也逸穢也褒國姒姓之女故曰褒姒○按龍繫之

讀恐為誑妄褒姒不好笑王欲其笑萬方故不笑王

與諸侯約有寇至則舉烽火召其兵來援乃無故舉

火諸侯悉至而無寇褒姒大笑王乃廢申后及太子

宜白以褒姒為后其子伯服為太子宜白奔申王求

殺之弗得伐申申侯召犬戎寇宗周王舉烽火徵兵

不至犬戎絀王驪山下好去聲援音院驪音梨○臨

其笑也邊火曰烽有警急則於高處舉之以為號也

援救也申國名在鄧州信陽軍之境宜白之母家也

徵召也驪山在華州渭南縣愚按三代之亡皆由婦人桀愛末喜走死鳴條紂

平王徙居東都
孔子始脩春秋

齊桓公始霸
晉文桓

楚莊王問鼎

孔子生

嬖姐已焚死牧野幽惑襄姒弒死驪山嗚呼后妃者紀綱之首王化之端也時之治亂國之存亡於是乎繫有天下者可不戒哉

諸侯立宜曰是為平王以西都逼於戎徙居東都王城時周室衰微諸侯強并弱齊楚秦晉始大平王之四十九年即魯隱公之元年其後孔子脩春秋始此謚法布綱治紀曰平春秋魯史記之名孔子以平王東遷政教號令不行於天下故不得因而脩之以示褒貶之法也○孟子曰王者之迹熄而詩亡詩亡而後春秋作是也平王崩太子之子桓王林立崩子莊王佗立崩子釐王胡齊立齊桓公始霸佗音紀釐音熙○謚法辟土服遠曰釐王桓勝敵克壯曰莊小心畏忌曰釐

崩子惠王閔立崩子襄王鄭立晉文公始霸襄王崩

子頃王壬臣立崩子匡王班立崩弟定王瑜立楚莊

王使人問鼎輕重王孫滿卻之闕音浪頃音傾○謚法愛人好與曰惠因

事有功曰襄又辟土有德曰襄甄心動懼曰頃純行不差曰定又安民大應曰定○外紀楚伐陸渾之戎觀兵于周郊定王使王孫滿勞之楚子問鼎之大小輕重欲逼周取其鼎滿曰在德不在鼎周德雖衰天命未改鼎之輕重未可問也楚子患懼而退定王崩子簡王夷立吳始僭

稱王簡王崩子靈王泄心立孔子生於其時靈王崩

子景王貴立崩子悼王猛立庶弟子朝弒之晉人討

子朝而立敬王丐孔子卒於其時丐音免○謚法亂

行剛曰景○按孔子生於靈王二十一年庚戌歲十一月庚子日卒於敬王四十一年壬戌歲四月己丑

趙魏
始

脩通
始

敬王崩子元王仁立崩子貞定王介立崩子哀王

去疾立弟思王叔帶襲弑之而自立少弟考王嵬又

攻殺思王而自立去上聲少去聲嵬吾國反○謚法

仁短折曰哀謀慮不愆曰思襲掩取也如寒氣之襲人不覺其入也崩于威烈王午立

晉趙氏魏氏韓氏始侯周自東遷以來及是二十世

而愈微諸侯用兵爭強號為戰國其後司馬氏作資

治通鑑朱子脩綱目始此謚法執德進業曰烈

愚按晉大夫放弑其君剖分晉國此人倫之大變

天理所不容人人得而誅之况天子乎當是之時

苟能以王法正之則周業之中興可指日而待也

計不出此反寵秩之使列於諸侯是獎姦誨盜而

自遺患也其可以示法於天下乎故司馬公法春

秋而作通鑑子朱子因通鑑而脩綱目並發原於

此亦以王綱之所係典禮之所存而天下之大經

大法存焉學者所宜反復而玩心也或曰通鑑之

托始於是也朱子於威興篇嘗有迷先幾之疑矣

綱目脩通鑒者則曷為無改焉盖夫子之脩春秋

也日其義則在竊取之又曰述而不作知此則知

朱子之綱目矣

威烈王崩子安王驕立齊田氏始侯安王崩子烈王

諸侯皆僭稱王

論周本深所以長久

喜立崩弟顯王崩立諸侯皆僭稱王顯王崩子慎
王定立崩子赧王延立五十九年與諸侯約從攻秦
秦昭王攻周赧王入秦頓首受罪盡獻其邑秦受獻
而歸赧王於周以卒周為天子三十七世凡八百六
十七年魏音淨赧奴版反謚法寬容和平曰安

司馬溫公曰周自平王東遷以來日以衰微至於
戰國又分而為二其土地人民不足以比疆國之
大夫然天下猶尊而事之以為共主守文武之宗
祧綿綿焉久而不絕其故何哉植本固而發源深
也昔周之興也禮以為本仁以為源自后稷以來

至於文武成康其講禮也備矣其施仁也深矣民
習於耳目浹於骨髓雖後世微弱其民將有陵慢
之心則畏先王之禮而不敢為將有離散之心則
思先王之仁而不忍去此其所以享國長久之道
也不然以區區數邑處於七暴國之間一日不可
存況於數十年乎

古今歷代標題註釋十九史略通考卷一之上

古今歷代標題註釋十九史略通考卷一之下

前進士廬陵 曾 先 之 編次

松塢門人番陽竹篙余進宗海通考

春秋戰國

周平王以後爲春秋之世其列國與周同姓者曰魯曰衛曰晉曰鄭曰曹曰蔡曰燕曰吳其與周異姓者曰齊曰宋曰陳曰楚曰秦此其大者餘小國若春秋所書杞許滕薛邾莒江黃之屬不可盡述

邾音朱 莒音舉

於十二列國之中有齊桓公宋襄公晉文公秦穆公楚莊王五霸事迹若論春秋諸國之終

始有未及戰國而先亡者有既及戰國而後亡者
各舉其槩槩音慨周威烈王以後為戰國之世則
秦楚燕齊趙魏韓七大國而已秦楚燕猶為春秋
之舊國田齊趙魏韓則為戰國之新國凡春秋戰
國之國雖係周之諸侯而國異政實不係於周難
於盡載附見周之下方其時各有先後則觀者詳
之

○

吳姬姓泰伯仲雍之所封也泰伯仲雍周太王之二子

而歸之自號句吳至武王克商遂封二子於吳十九世至壽夢始稱王壽夢

四子幼曰季札札賢欲使三子相繼立以及札札義

不可封延陵號曰延陵季子聘上國過徐徐君愛其

寶劍季子心知之使還徐君已沒遂解劍懸其墓而

去使還之使去聲○按吳世家太伯之後曰李管曰叔達曰周章曰熊遂曰柯相曰疆鳩夷曰餘橋曰

疑吾曰柯盧曰周繇曰屈羽曰夷吾曰禽處曰君轉曰頗高曰句早曰去齊曰壽夢為十九世也四子諸樊

餘祭夷昧季札也延陵郡名屬江浙今常州是也聘問也公羊傳曰大夫來曰聘徐國名壽夢後

四君而至闔廬舉伍員謀國事負字子胥楚人伍奢

之子奢誅而奔吳以吳兵入郢自音云郢音影○陳氏殷曰四君謂諸樊

餘祭夷昧僚也闔廬諸樊子也弑僚自立郢楚都今江陵府是也子胥以吳兵入郢蓋為父報仇也吳

伐越闔廬傷而死子夫差立子胥復事之夫差志復

讎朝夕卧薪中出入使人呼曰夫差而忘越人之殺

伐楚
入郢

夫差
于越
椒

勾踐
嘗膽

賜子
胥死

十年
生聚
十年
教訓

越滅
吳蠡
去之

而父邪周敬王二十六年夫差敗越于夫椒越王勾

踐以餘兵棲會稽山請為臣妻為妾子胥言不可太

宰伯嚭受越賂說夫差赦越夫音扶呼去聲勾音鉤

稅也陳氏殷曰越蠻夷之國姒姓也而勾踐反國音

膽於坐句卧即仰膽嘗之曰女忘會稽之恥邪舉國

政屬大夫種而與范蠡共治兵事謀吳女音汝屬音

聲蠡音禮坐卧食所皆置膽蓋示吳宰嚭譖子胥音

謀不用怨望夫差乃賜子胥屬鏹之劍子胥告其家

人曰必樹吾墓檟檟可材也抉吾目懸東門以觀越

兵之滅吳乃自剄夫差取其尸盛以鴟夷投之江吳

人憐之立祠江上命曰胥山鏹音鞞檟音賈剄音景

劍名檟木名可為宮室棺槨者越十年生聚十年教

訓周元王四年越伐吳吳三戰三北夫差上姑蘇亦

請成於越范蠡不可夫差曰吾無以見子胥為慎冒

乃死慎音覓冒音帽○生聚生民聚財也北敗走也

中也冒覆也言羞見子胥于地下故以巾覆面越既

滅吳范蠡去之遣大夫種書曰越王為人長頸烏喙

可與共患難不可與共安樂子何不去種稱疾不朝

或讒種且作亂賜劍死遺難皆去聲喙瑞反又音

言能喙范蠡裝其輕寶珠玉與私從乘舟江湖浮海

害物也

出齊變姓名自謂鴟夷子皮父子治產至數十萬去從

聲○私從家屬也范蠡以下夫差殺子齊人聞其賢以

胥而盛以鴟夷故自以有罪為號也為相蠡喟然嘆曰居家致千金居官致卿相此布衣

之極也久受尊名不祥乃歸相印盡散其財懷重寶

間行止於陶自謂陶朱公鉅累鉅萬相間皆去聲喟

殷曰喟歎辭閒猶潛也陶今定魯人猗頓往問術焉

陶縣屬曹州贊財也累積也蠡曰畜五牲乃大畜牛羊於猗氏十年間貨擬王公

故天下言富者稱陶朱猗頓畜音旭特音字○陳氏

者生財之道也特牝也多畜之則生育蕃也擬比也

愚按太伯遜國封具吾無間然矣季子以幼不立

克重天倫解劍懸墓不昧心阨謂之不賢可乎夫

差不用子胥之忠諫反聽伯嚭之讒言釋放仇讎

自遺後患悞冒而死不亦宜哉越既滅吳驕暴日

甚種猶不去以讒見誅夫惟范蠡見幾而作不俟

終日卓乎其不可及矣

蔡姬姓蔡仲之所封也周公放蔡叔於郭鄰其子胡

率德改行復封于蔡後世至春秋之末為楚惠王所

滅行復為皆去聲○陳氏殷曰郭鄰地名胡蔡仲之

名也率循也言仲能循祖文王之德改父蔡叔之

行也放蔡叔事說見周紀○世紀蔡自叔度至元侯凡二十四世

封蔡仲

鉅累

○

曹姬姓武王弟曹叔振鐸之所封也其後世至春秋

振鐸

○

微子

熒惑

崔生

伯禽

中為宋所滅

振鐸音托為去聲○世紀曹自

宋子姓商紂庶兄微子啓之所封也

武王克殷封紂子祿父以續殷

祀王崩管蔡與祿父作亂周公誅祿父乃後世至春

秋有襄公茲父者欲霸諸侯與楚戰公子目夷請及

其未陳擊之公曰君子不困人於許遂為楚所敗世

笑以為宋襄之仁阮厄同○目夷字子魚襄公庶

後有景公者熒惑嘗以其時守心心宋之分野公憂

之司星子韋曰可移於相公曰相吾之股肱曰可移

於民公曰君者待民曰可移於歲公曰歲飢民困吾

誰為君子韋曰天高聽卑君有君人之言三宜有動

候之果徙一度分相皆去聲股音古肱古宏反○熒

州之域心宿直焉司星官名即今欽天歷數世至康

王偃有雀生鱗占之曰必霸天下偃喜敗齊楚魏與

為敵國偃淫虐天下號之曰桀宋周赧王時齊湣王

與楚魏共伐宋滅之而分其地與為之與音豫干也

書不載戰國策作鵠注音欺疑即鵠也樂宋言宋

魯姬姓周公子伯禽之所封也周公誨成王王有過

則撻伯禽伯禽就封公戒之曰我文王之子武王之

弟今王之叔父然我一沐三握髮一飯三吐哺起以

待士猶恐失天下賢人汝之魯慎無以國驕人沐洗

○

食在口曰哺之性也
無母通禁止辭也

太公封於齊五月而報政周公

曰何疾也曰吾簡其君臣禮句從其俗伯禽至魯三

年而報政周公曰何遲也曰變其俗革其禮喪三年

而後除之周公曰後世其北面事齊乎夫政不簡不

易民不能迓平易近民民必歸之喪夫皆平聲易音
異○報政猶言述

齊魯
問政

職也北面者臣事君之禮也近
親也言齊政簡易魯政煩雜也周公問太公何以治

齊曰尊賢而尚功周公曰後世必有篡弑之臣太公

問周公何以治魯曰尊賢而親親太公曰後世寢弱

矣寢音浸
漸也

按齊以尚功故田和篡立而姜氏不祀魯以親親

故三桓擅權而公室以微二公之言並驗可謂有

先見之知矣

伯禽十三世而至隱公為春秋之始隱公之弟曰桓

公桓公之子曰莊公莊公有庶弟三人曰慶父其後

為孟孫氏曰叔牙其後為叔孫氏曰季友其後為季

孫氏是為三桓世執國命十三世謂伯禽而下歷考
公真公武公懿公伯
公濞公幽公魏公厲公獻

御孝公惠公隱公也歷閔公僖公文公宣公成公襄

公至昭公伐季氏三家共攻之公奔乾侯以卒乾音
千乾

弟定公立以孔子為中都宰一年四方皆則之

由中都為司空進為大司寇臨川陳氏曰中都邑名
屬東平宰邑長也則法

孔子
為中都
宰

定公會齊侯於夾谷

齊人歸魯地

也司空大司寇並官名相定公會齊侯於夾谷孔子曰有文事

者必有武備請具左右司馬以從既會齊有司請奏

四方之樂於是旃旄劔戟鼓譟而進孔子趨而進曰

吾兩君為好夷狄之樂何為於此齊景公心忤麾之

齊有司請奏宮中之樂優倡侏儒戲而前孔子趨而

進曰匹夫熒惑諸侯者罪當誅請命有司加法焉首

足異處景公懼歸語其臣曰魯以君子之道輔其君而

子獨以夷狄之道教寡人於是齊人乃歸所侵魯鄆

汶陽龜陰之地以謝魯相從好語皆去聲忤音昨麾音揮倡音昌鄆音運臨川

陳氏曰夾谷今名夾山在東海郡一具俱也司馬官名戰有枝兵也好和也忤也麾之謂指揮使退也優

倡俳優倡妓也侏儒短小人也熒惑迷亂也首足異處謂車裂其身也語告也歸猶還也鄆汶陽龜陰三

邑名本魯地為齊所侵至是以歸魯也孔子言於定公將墮三都以強

公室叔孫氏先墮郈季氏墮費孟氏之臣不肯墮成

圍之弗克墮許規反郈音后費音秘墮毀也三都即郈費成三家之私邑也臣謂處父之徒

也克勝也或問成既不墮孔子如何便休朱子曰不久孔子

去魯若使久居自須有箇處置

孔子由大司寇攝行相事七日而誅亂政大夫少正

卯居三月魯大治齊人聞之懼乃歸女樂於魯季桓

子受之不聽政郊又不致膳俎於大夫孔子遂去魯

孔子誅少正卯齊人歸女樂

樂歸齊正誅孔子

相少治皆去聲歸音饋又如字膳音煩○攝兼也少正姓卯名也祭天曰郊膳祭肉也

孟子曰孔子為魯司寇不用從而祭膳肉不至不脫冕而行不知者以為為肉也其知者以為為無禮也乃孔子則欲以微罪行不欲為苟去君子之所為衆人固不識也又曰孔子之去魯曰遲遲吾行也去父母國之道也詳見朱子集註

定公卒子哀公立欲以越伐三桓不克歷悼公元公

至繆公知尊子思而不能繆音木詳見孟子萬章篇歷共公康

公至平公嘗欲見孟子而不果共平聲詳見孟子梁惠王篇歷文

公至頃公為楚考烈王所滅魯自周公至頃公凡三

十四世項音傾為去聲○孔子名丘字仲尼其先宋人也孔子

孔子名丘字仲尼

三命滋益恭

宋微子之後自微仲五傳而至哀公熈生弗父何何生宋父周周生世子勝勝生正考父父生孔父嘉嘉生木金父金父生畢夷畢夷生防叔防叔奔魯遂為魯人一生伯夏伯夏生叔梁紇有正考父

者佐宋三命滋益恭其鼎銘云一命而僂再命而僂

三命而俯循墻而走亦莫余敢侮饁於是粥於是以

餽予口父音甫傳音侶偃於語反走叶音祖口叶音苦○正謚考父字也滋益恭猶言愈加恭敬

也陳氏殷曰初命為士其容僂再命為大夫其容僂三命為卿其容俯三者皆是低頭而僂甚於僂俯甚

於僂所謂滋益恭也或曰一命受職再命受服三命受爵未知孰是墻屏也循墻而走避位不受命也侮

慢也言雖過恭人亦不慢之也稠曰饁稀曰粥言為饁粥於此鼎中以餽我口儉之至也孔氏滅

於宋其後適魯孔父嘉為宋華氏有叔梁紇與顏氏

陳俎
豆設
禮容

女禱於尼丘山而生孔子統下沒反○叔梁字統為

兒嬉戲常陳俎豆設禮容俎豆祭器也長為季氏史料量

平嘗為司穢吏畜蕃息長上聲穢音隻○史掌文書

倉庫之吏也料量平所謂會計當也穢與同蓋係

養穢牲之所也司穢吏孟子作衆田謂主苑囿割牧

之吏也畜蕃息所謂牛羊茁壯適周問禮於老子反

而弟子稍益進適往也

或問孔子何以問禮於老子朱子曰老子嘗為周

柱下史故知禮節文所以孔子問之老子雖知禮

然其意以為不必盡行行之反以多事故欲滅絕

之也

適齊齊景公將待以季孟之間魯三卿季氏最貴君

為下卿君待之之禮稍薄景公孔子反魯定公用之

不終詳見上文適衛主顏餘將適陳過匡匡人嘗為陽虎

所暴孔子貌類陽虎止之為去聲○陽虎字貨季氏

顏淵後文王既免及于衛醜靈公所為去之主蘧伯玉

既沒之語有矢子路之語醜蓋愧也史記靈公與夫人南子同

車使孔子為次乘招搖市過之孔子醜之有未見好

德之過曹適宋與弟子習禮大樹下桓魋伐拔其樹

日東門有人其頰似堯其項類臯陶其肩類子產自

要以下不及禹三寸纍纍然若喪家之狗頰音葵陶

其類
似堯

腰同喪平聲○類額項頸也臯陶舜臣子產鄭大夫
公孫僑也喪家之狗蓋主人荒迷不見飲食故彙彙
然瘦瘠而適陳主司城又適衛有苟有用將西見趙
不得意也

簡子至河聞竇鳴犢舜華殺死臨河歎曰美哉水洋

洋乎丘之不濟此命也竇鳴犢舜華皆晉賢大夫而

反于衛又主遠伯玉家靈適陳標論語則絕適蔡如

葉反于蔡葉音攝楚邑各有葉公問答子路楚使人

聘之陳蔡大夫謀曰孔子用於楚則陳蔡危矣相與

發徒圍之於野孔子曰詩云匪兕匪虎率彼曠野吾

道非邪吾何為於此子貢曰夫子道至大天下莫能

容顏淵曰不容何病然後見君子楚昭與師迎之乃

得至楚將封以書社地七百里令尹子西不可似野

叶上與反○詩小雅何草不黃之篇兕野牛一角率

循行也子貢姓端木名賜顏淵名回皆孔子弟子二

千五百人為師索隱曰古者二十五家為一里各有

社則書社者書其社之里人名於籍蓋以七百里人

民封孔子也令尹官名楚上卿執政者也朱子孔子

曰書社地七百里恐無此理時則有接輿歌

反于衛時靈公已卒衛君輒欲得孔子為政有魯季

康子迎歸魯哀公問政終不能用有對哀公乃序書

上自唐虞下至秦繆始二典刪古詩三千為三百十

一篇皆弦歌之禮樂自此可述彈曰發誦曰歌時則

翁如樂正盈耳等語晚而喜易序彖象繫辭說卦文言讀易章

序易

序書
刪詩

編三絕

彖杜岸及斷也文王所繫之辭以斷一卦之

吉凶一如乾之元亨利貞是也孔子從而釋之

晚而喜易序彖象繫辭說卦文言讀易章

因魯
史作
春秋

故通謂之彖今各卦彖曰以下之辭是也象周公孔子所繫之辭卦下象解一卦之義謂之大象爻下象解一爻之義謂之小象也繫辭所以統言天地之闕與人事之始終說卦所以陳說八卦之德業文言所以釋論乾坤之妙理皆孔子之所序述也韋皮也古者以皮條編簡冊披閱之勤故至三絕時則有假我數年學因魯史記作春秋自隱至哀十二公絕筆於易之語

獲麟筆則筆削則削游夏之徒不能贊一辭十二公隱桓莊

閱僖文宣成襄昭定哀也哀公十四年西狩獲一角獸以示孔子孔子曰麟也胡為乎來哉因感而作春秋

可者筆之不可者削之也游夏孔子弟子言子游卜

然出自聖心斷之在已雖游夏善於文學亦不能贊

助一辭也時則有莫我知弟子三千人身通六藝者

七十二人六藝禮樂射御書數也七十二人姓名具載家語弟子類回最賢早卒後惟曾參得

傳孔子年七十三而卒葬魯城北泗水上

宰我曰以予觀於夫子賢於堯舜遠矣

子貢曰見其禮而知其政聞其樂而知其德由百

世之後等百世之王莫之能違也自生民以來未

有孔子也又曰夫子之不可及也猶天之不可階

而升也夫子之得邦家者所謂立之斯立道之斯

行綏之斯來動之斯和其生也榮其死也哀如之

何其可及也

有若曰豈惟民哉麒麟之於走獸鳳凰之於飛鳥

泰山之於丘垤河海之於行潦類也聖人之於民

亦類也出於其類拔乎其萃自生民以來未有盛於夫子也

孟子曰孔子聖之時者也孔子之謂集大成集大成也者金聲而玉振之也

子鯉字伯魚早卒孫伋字子思作中庸伋音孟子其

幼被慈母三遷之教

門人也名軻魯孟孫氏之後生於鄒幼被慈母三遷之教長受業子思之門人道既通游齊梁不用退與

萬章之徒難疑答問作七篇長上聲難去聲○孟子字子車一說字子輿鄒

縣名屬滕州本邾國也三遷事見小學稽古篇

韓愈曰斯道也堯以是傳之舜舜以是傳之禹禹

以是傳之湯湯以是傳之文武周公周公傳之孔

子孔子傳之孟軻軻之沒不得其傳焉苟與揚也

擇焉而不精語焉而不詳又曰孟軻師子思子思

之學出於曾子自孔子沒獨孟軻之傳得其宗故

求觀聖人之道者必自孟子始又曰孟子之功不

在禹下

老子者楚苦縣人也李姓名耳字伯陽又曰字聃為

周守藏史苦音戶聃音軌藏去聲○陳氏曰苦當作芒屬亳州葛洪傳從母姓李也藏史守藏

書室之見周衰去至關關令尹喜曰子將隱矣為我

著書乃著道德五千餘言而去萬氏曰函谷關陳氏曰當是玉門關關令

守關之吏也尹姓喜
名字公度青城人

石氏原曰異端虛無之教始此然老子所著止此
五千言今道家書有稱老君云云者皆後人假托
言之耳

愚按老子五千言固亦嘉言然多虛無故其末流
之弊遂使申韓荀揚莊列之徒襲為邪說誠行以
惑世誣民充塞仁義而不可救也嗚呼惜哉

其後有鄭人列禦寇蒙人莊周亦為老子之學莊周

著書侮孔子而誚諸子焉

陳氏殷曰鄭州名屬河南
蒙邑名屬睢州列子著書

二十篇莊子著書三十三篇為治
也誚譏也諸子七十子之徒也

愚按聖賢異端所為不同如冰炭矛盾每每相反
莊周為老子虛無之學而惡聖賢之害己也故鑿
空杜撰幻語以侮誚之蓋欲以邪勝正非勝是何
其謬哉

衛姬姓武王母翁康叔封之所封也

母弟同母
之弟也後世

至春秋有靈公夫人南子之亂子蒯聵欲殺南子不

果出奔

蒯音快聵五怪反
姓亂淫也事見左傳定公十四年

公卒立蒯

聵之子輒蒯聵入輒拒之

朱子曰蒯聵欲殺母得罪於父而輒據國以拒父
皆無父之人也

○
康叔
封衛
蒯聵
入

子路與其難太子之臣以戈擊子路斷纓子路曰君

子死冠不免結纓而死衛人醢子路孔子聞之命覆

醢與難皆去聲斷音短醢音海覆音福○子路孔子

冠系也免脫也醢肉醬也覆傾也言子路為衛人所

朱子曰子路仕衛之失前輩論之多矣然子路却

是見不到非知其非義而苟為也

戰國時子思居於衛言苟變可將衛侯曰變嘗為吏

賦於民食人二雞子故不用也將去聲○衛侯謂慎公

也子思曰聖人用人猶匠之用木取其所長棄其所

人當取長棄短

短故把梓連抱而有數尺之朽良工弗棄今君處戰

國之世而以二卵棄千城之將此不可使聞於隣國

也把梓音起子二木名皆良材千盾城衛侯言計非

是而群臣和者如出一口扣去聲子思曰君之國事將

日非矣君出言自以為是而卿大夫莫敢矯其非卿

大夫出言自以為是而士庶人莫敢矯其非詩曰具

曰予聖誰知鳥之雌雄矯音較正也詩小雅正月之

亦誰能別其言之是非乎如周之諸侯惟衛最後亡

至秦并天下為帝二世始廢君角為庶人角衛君名

衛自康叔至君角九四十三世

桓公封鄭子相產

○

鄭姬姓周宣王庶弟桓公友之所封也桓公子武公

與其子莊公並為周司徒司徒掌教之官數世至聲公相子

產子產者公族國氏名僑孔子過鄭與子產如兄弟

云句穆襄以來鄭無歲不被晉楚之兵子產受之

以禮自固雖晉楚之暴不能加焉相去聲僑音喬○陳氏殷曰聲公當

作簡公公族者鄭君之族也子產父字鄭至周威

烈王時君乙為韓哀侯所滅韓徙都之○世鄭君名也

桓公至君乙凡二十三世

○晉姬姓成王弟唐叔虞之所封也唐本堯裔子所封至武王時唐人作

亂成王滅之因以唐封叔虞故成王幼與叔虞戲削

桐葉為圭曰以此封若史佚請擇曰王曰吾與之戲

耳佚曰天子無戲言遂封唐佚音逸○瑞王曰圭若汝也史太史佚其名也

成叔虞封唐之失詳見柳子厚辨文後世至文公霸諸侯文公名重耳

獻公之次子也獻公嬖於驪姬殺太子申生而伐重

耳於蒲重耳出奔十九年而後反國重平聲○陳氏

氏女姬姓也蒲重耳食邑也嘗餒於曹介子推割股以食之推音吹食

似音及歸賞從亡者狐偃趙衰顛頡魏犢而不及子推

從去聲下同胡結反犢音綱子推之從者懸書宮門曰有龍矯矯

頃失其所五蛇從之周流天下龍飢乏食一蛇割股

龍返於淵安其壤土四蛇入穴皆有處所一蛇無穴

出奔重耳

號于中野下叶音戶割音奎號平聲野叶上與反

也到公曰噫寡人之過也使人求之不得隱繇上山

中焚其山子推死焉後人為之寒食文公環繇山田

封之號曰介山為去聲○繇上地名在汾州焚山蓋

不忍舉火故寒食蓋清明前三日也環田封之以供介廟盛也

六卿始入

為霸歷襄公靈公成公景公厲公至悼公霸業復盛

又歷平公昭公頃公公室益弱而六卿范氏知氏中

行氏趙氏魏氏韓氏始大復扶又反頃同知去聲

為中軍將故歷定公至出公知氏與趙魏韓氏分范

中行氏公怒四卿及攻公公出奔而死哀公立趙魏

趙魏韓號為三晉

韓氏又滅知氏而分之幽公立晉獨有絳曲沃餘皆

入趙魏韓氏號為三晉絳州名屬今山西曲沃其屬

晉烈公立三卿以周威烈王命為侯又歷孝公至靖

公魏武侯韓哀侯趙敬侯共廢靖公為家人而分其

地晉絕不祀家人猶言族人也○世紀晉

陳嬀姓虞舜之後胡公蒲之所封也周武王求而封

之嬀音規後世至春秋有公子完者出奔而仕於齊陳

後為楚惠王所滅而完之後遂大於齊為田氏為楚

去聲○世紀陳自胡公一至閔公凡二十五世

齊姜姓太公望呂尚之所封也後世至桓公霸諸侯

胡公封陳

○

太公
封齊
小白
奔莒

小白
立

九合
諸侯

五霸桓公為始名小白兄襄公無道群弟恐禍及子

糾奔魯管仲傅之小白奔莒鮑叔傅之糾音九桓公弟也傅相也

襄公為弟無知所弒無知亦為人所殺為去聲齊人召

小白於莒而魯亦發兵送糾管仲嘗遮莒道射小白

中帶鉤小白先至齊而立鮑叔牙薦管仲為政公置

怨而用之射音石中去聲○遮猶擲也仲字夷吾嘗與

鮑叔賈分利多自與鮑叔不以為貪知仲貪也嘗謀

事窮困鮑叔不以為愚知時有利不利也嘗三戰三

走鮑叔不以為怯知仲有老母也仲曰生我者父母

也知我者鮑子也賈音古坐商也桓公九合諸侯一匡天下

皆仲之謀一則仲父二則仲父父音甫○朱子曰九左傳作糾督也匡正

也尊周室攘夷狄皆所以正天下也仲父蓋尊稱之也仲病桓公問群臣誰可

相易牙何如仲曰殺子以食君非人情不可近開方

何如曰倍親以適君非人情不可近蓋開方故衛公

子來奔者也豎刁何如曰自宮以適君非人情不可

近仲死公不用仲言卒近之三子專權相食皆去聲倍與背同豎

音柱○近親也宮淫刑也卒終也崇仁吳氏曰殺子傷恩倍親傷義自宮傷孝皆非人之常情故不可親

近之也公內寵如夫人者六皆有子公薨五公子爭立

相攻公尸在床無殯殮者六十七日尸蟲出於戶如夫

人者六長衛姬生武孟少衛姬生惠公鄭姬生孝公葛嬴生昭公密姬生懿公宋華子生子雍也禮記諸

公子
爭立

侯死曰薨薨之為言曹也幽晦之義也陳氏曰桓公初欲立孝公及卒而武孟等皆爭立古者死三日而殮殮而後葬也殯而後葬也

孔子曰桓公九合諸侯不以兵車管仲之力也如其仁如其仁又曰管仲相桓公霸諸侯一匡天下民到于今受其賜微管仲吾其被髮左社矣又曰管仲之器小哉

楊氏曰夫子大管仲之功而小其器蓋非王佐之才雖能合諸侯正天下其器不足稱也蘇氏曰自脩身正家以及於國則其本深其及者遠是謂大器管仲三歸反坫桓公內嬖六人而霸天下其本

固已淺矣管仲死桓公薨天下不復宗齊

晏子
重於
齊

自桓公八世至景公有晏子者事之名嬰字平仲以節儉力行重於齊一狐裘三十年豚肩不掩豆齊國

之士待以舉火者七十餘家陳氏殷曰八世謂孝公昭公懿公惠公頃公靈

公莊公僖公也狐裘大夫之服三十年言服之久也豚豕也不掩豆言儉之至也待以舉火謂下類其服給

而得炊晏子出其御之妻從門間窺其夫擁大蓋策

晏御
揚揚

駟馬意氣揚揚自得既而歸妻請去曰晏子身相齊國名顯諸侯觀其志常有以自下子為人僕御自以

為足妾是以求去也御者乃自抑損晏子怪而問之

以實對薦為大夫御謂御車間隙也下謙也公使晏

陳完
奔齊
為陳
氏後
又為
田氏

○

子之晉與叔向私語以為齊政必歸陳氏如其言景公後五世至康公田和受周安王命為侯遷康公海濱以死姜氏遂絕不祀陳氏殷曰叔向晉大夫羊舌

平公康公也○世紀齊自
太公至康公凡三十世

田氏齊者本媯姓故陳厲公佗子完之後也完奔齊為陳氏後又以陳氏為田氏完事齊桓公為工正卒謚敬仲佗音駝○工正官名死五世至釐子乞事齊景公為大夫其收賦稅於民以小斗受之其粟予民以大斗行陰德於民而公弗禁由此得齊衆乞專政釐僖同乞音氣予與同○五世謂推潛須無無字闕也卒子成子恒弒簡公立

太公
受命
為侯

淳于
髡
趙使

平公封邑大於公所食恒胡登切○食采地也言成子所封之邑大於平公之食

也恒卒襄子盤立與韓趙魏通使蓋三家且有晉而

田氏且有齊也使去聲○三家韓趙魏也歷莊子白至太公和遂

以周安王命為侯卒子桓公午立卒子威王因齊立

初不治諸侯皆來伐八年楚大發兵加齊齊使淳于

髡請救于趙齎金百斤車馬十駟髡仰天大笑王曰

先生少之乎髡曰臣見道傍有禳田者操一豚蹄酒

一壺祝曰甌窶蒲簞汗邪蒲車五穀蕃熟穰穰滿家

臣見其所持者狹所欲者奢故笑之王乃益黃金千

鎰白璧十雙車馬百駟髡乃行治去聲髡音坤甌音窶音婁簞音勺汗

音蛙邪音爺○淳于姓髡名齊之辯士也乘馬為駟
歐窶高狹田也簞竹籠也汙邪低下田也五穀稻黍
稷麥菽也穰穰豐盛貌滿篝滿車言高下皆熟時齊
滿載而歸也狹謂少也奢謂多也鎰二十兩也

烹即阿
封齊
墨治

國幾不振王乃召即墨大夫語之曰自子之居即墨
也毀言日至然吾使人視即墨田野闢人民給官無
事東方寧是子不事吾左右以求助也封之萬家召
阿大夫語之曰自子之守阿譽言日至然吾使人視
阿田野不闢人民貧餒趙攻鄆子不救衛取薛陵子
不知是子厚幣事吾左右以求譽也是日烹阿大夫
與嘗譽者群臣聳懼莫敢飾詐齊大治諸侯不敢復
致兵幾譽皆平聲語治復皆去聲鄆音綃○振起也
即墨即墨邑名屬膠州阿亦邑名屬東平鄆縣名屬

威王
以賢
為寶

濮州飾詐脩飾詐偽也

威王與魏惠王會田於郊惠王曰齊有

寶乎王曰無有惠王曰寡人國雖小猶有徑寸之珠

照車前後各十二乘者十枚威王曰寡人之寶與王

異吾臣有擅子者使守南城楚人不敢為寇泗上十

二諸侯皆來朝有盼子者使守高唐趙人不敢東漁

於河有黔夫者使守徐州則燕人祭北門趙人祭西

門有種首者使備盜賊道不拾遺此四臣者將照千

里豈特十二乘哉惠王有慙色乘去聲朝音潮黔渠
金反徐音舒種上聲

○田與政同畿也國外百里曰郊徑寸則圍三寸珠

泗水之上也十二國號未詳盼即田盼也高唐州名
屬東昌徐州即薛縣也宋氏曰燕在齊之北趙在齊

之西燕趙畏齊侵伐故各祭於其境以求福也遺失也失物於道人亦不敢拾取之也 威王卒

子宣王立喜文學游說之士騶衍淳于髡田駢慎到

之徒七十六人皆為上大夫是以齊稷下學士盛且

數百人然孟子至而不能用說音稅騶音鄒○劉向曰稷齊城門名游說之士期會於其下也或曰齊有稷魏伐韓韓請救於齊

齊使田忌為將以救韓魏將龐涓嘗與孫臏同學兵

使田忌救孫臏

法涓為魏將軍自以所能及以法斷其兩足而黥

之齊使至魏竊載以歸至是臏為齊軍帥直走魏都

孫臏減弱示弱

涓去韓而歸臏使齊師入魏地者為十萬竈明日為

五萬竈又明日為二萬竈涓大喜曰我固知齊軍怯

入吾地三日士卒亡者過半矣乃倍日并行逐之臏

度其行莫當至馬陵道陜而旁多阻可伏兵乃斫大

樹白而書曰龐涓死此樹下令齊師善射者萬弩夾

道而伏期暮見火舉而發涓果夜至斫木下見白書

以火燭之萬弩俱發魏師大亂相失涓自剄曰遂成

虜魏太子申

豎子之名齊大破魏師虜太子申將去聲臏匹忍反斷音短黥音縶度

宣王卒湣王立靖郭君田嬰者宣王之庶弟也封於

薛有子曰文食客數千人名聲聞於諸侯號為孟嘗

君薛郡名屬山西

音鐸莫音暮陜狹同○黥刑馬陵在濮州鄆城東北伏藏也燭照也豎子指孫臏言成就臏之名也

秦昭王求見孟嘗君

司馬公曰君子之養士以為民也今田文盜君之祿以立私黨張虛譽上侮其君下蠹其民是姦人之雄耳書曰逋逃主萃淵藪此之謂也

秦昭王聞其賢乃先納質於齊以求見至則止囚欲殺之孟嘗君使人抵昭王幸姬以求解姬曰願得君狐白裘蓋孟嘗君嘗以獻昭王無佗裘矣客有能為狗盜者入秦藏中取裘以獻姬姬為言得釋即馳去變姓名夜半至函谷關關法雞鳴方出客恐秦王後悔追之客有能為雞鳴者雞盡鳴遂發出食頃追者果至而不及孟嘗君歸怨秦與韓魏伐之入函谷

關秦割城以和

質音至藏去聲傳直戀反○質謂下納臣子以為信也抵猶投也師古曰姬

者周之姓貴於諸侯之女故婦人美號皆稱姬後因總謂衆妾為姬也舊貨財之所曰藏函谷關在陝州快林縣南傳即今驛券也

王荆公曰世皆稱孟嘗君能得士士以故歸之而卒賴其力以脫於虎豹之秦嗟乎孟嘗君特雞鳴狗吠之雄耳豈足以言得士不然擅齊之強得一士焉宜可以南面而制秦尚取雞鳴狗吠之力哉雞鳴狗吠之出其門此士之所以不至也

孟嘗君相齊或毀之於王乃出奔

相去聲

湣王滅宋而

驕燕昭王以齊嘗破燕之故與諸侯合謀而攻齊燕

燕軍入臨淄

軍入臨淄潛王走莒楚將淖齒救齊反殺潛王而與

燕共分齊之侵地臨淄縣屬益都莒縣屬密州

荀子曰國者天下之利用也人主者天下之利勢

也得道以持之則大安也大榮也積羨之源也不

得道以持之則大危也大累也有之不如無之及

其綦也索為匹夫不可得也齊潛宋獻是也註綦音其

窮極也索求也

王孫賈從潛王於莒而失王處其母曰汝朝出而晚

來吾則倚門而望汝莫出而不還吾則倚閭而望汝

今事王王走汝不知處汝尚何歸賈乃攻淖齒殺之

法章立保

莒以抗

田單以

牛尾燒

燕軍

田單攻狄

求潛王子法章而立之保莒以抗燕從去聲○閭里門也言平時汝

出則望汝歸今失王處則當致身循國尚何歸乎其母亦可謂之賢矣法章即襄王也時齊城

惟莒即墨不下即墨人推田單為將軍身操板鋪與

士平分功妻妾編於行伍收城中得牛千餘為絳繒

衣畫五采龍文東兵刃其角灌脂束葦於尾燒其端

鑿城數十穴夜縱牛壯士隨其後牛尾熱怒奔燕軍

所觸盡死傷而城中鼓譟從之聲震天地燕軍敗走

七十餘城皆復為齊迎襄王於莒封單為安平君鋪音

挿行音抗○鋪鑿屬行伍行陣部伍也繒帛也脂油也單攻狄三月不克魯仲

連曰將軍在即墨日無可往矣宗廟亡矣將軍有死

馮驩
彈劍
作歌

之心士卒無生之氣莫不揮泣奮臂欲戰今將軍東
有夜邑之奉西有淄上之娛黃金橫帶騁乎淄澠之
間有生之樂無死之心故不勝也單明日厲氣巡城
立於矢石之所援抱鼓之狄人乃下

夜音亦澠音戎
樂音洛抱音擇

○夜邑屬萊州淄澠二水名矢箭也石砲
也接持抱擊鼓槌也言擊鼓以進兵也

襄王既立

而孟嘗君中立為諸侯無所屬王畏之與連和

屬音
竹連

也初馮驩聞孟嘗君好客而來見置傳舍十日彈劍

作歌曰長鋏歸來乎食無魚遷之幸舍食有魚矣又

歌曰長鋏歸來乎出無輿遷之代舍出有輿矣又歌

曰長鋏歸來乎無以為家孟嘗君聞之不悅

好傳皆
去聲缺

音劫家叶音姑○傳舍旅館也置驢於此蓋暫留宿
食也缺劍名或曰劍把也幸舍蓋異其飲食代舍蓋

不徒時邑入不足以奉客使人出錢於薛貸者多不

能與息孟嘗君乃進驢請責之驢往不能與者取其

券燒之孟嘗君怒驢曰令薛民親君孟嘗君竟為薛

公終於薛

出去聲貸音態券音勸○邑入謂封邑所
收租稅也貸借也息利錢也責之謂責貸

者不納利息之罪也券契約也言驢見薛民貧而不
能與息者輒焚其券而不追取將以使薛民受惠而

親愛其
君也襄王卒子建立母君王后賢事秦謹與諸侯

信君王后卒齊客多受秦金為反間勸王朝秦不脩

攻戰之備不助五國攻秦秦王政既滅五國兵入臨

淄王建遂降遷于共處之松柏之間而死以齊為郡

不助
五國
攻秦
王建
遂共

齊人歌之曰松邪栢邪住建共者客邪

聞去聲言反其言以離聞

之也共恭同邑名屬河內○世紀田齊自太公和至王建九七世

司馬温公曰從橫之說雖反覆百端然合從者六國之利也向使六國能以信義相結則秦雖強暴烏得而亡之哉蓋以三晉而攻齊楚是自絕其根抵也以齊楚而攻三晉是自撤其藩蔽也烏有撤其藩蔽以媚盜曰盜將愛我而不攻豈不悖哉

趙之先本與秦同姓祖於蜚廉有子季勝其後有造

造父封趙

父者事周穆王以功封趙城由是為趙氏

蜚與飛同趙城縣名春秋時有趙夙者事晉夙生成子衰衰生宣子

盾人曰趙衰冬日之日也趙盾夏日之日也冬日可

愛夏日可畏

衰初危反盾徒本反

盾生朔大夫屠岸賈滅朔之

族朔有遺腹子武賈索之不得朔客程嬰公孫杵臼

相與謀曰立孤與死孰難嬰曰死易立孤難耳杵臼

曰子為其難杵臼取佗兒匿山中嬰出謬曰與我千

金吾告趙氏孤處賈喜乃使人隨嬰殺杵臼及兒而

趙氏真孤在嬰後與武滅賈竟立武而自殺以下報

宣孟及杵臼

父在而孕沒而生曰遺腹子幼而無父曰孤佗兒他人子也匿藏也謬詐妄也

秦以一鎰為一金下地也宣即宣子盾孟其字也

愚按人之所難者莫甚於死也死苟得其所雖殺

周舍
鄂鄂

身捐軀復何所顧避哉若程嬰公孫杵臼於其君
是已趙氏族滅矣遺腹子危矣而二子不忘食祿
之義不畏沒身之誅一為死易於前以脫屠岸賈
之索武一為立孤難於後而自殺以下報宣孟及
杵臼其抗節致忠視死如歸為何如哉嗚呼世有
貪生忍耻忘君事讎者視二子寧無顏厚乎

武卒號文子文子生景叔景叔生簡子鞅簡子有臣
曰周舍死簡子每聽朝不悅曰千羊之皮不如一狐
之腋諸大夫朝徒聞唯唯不聞周舍之鄂鄂也

朝音潮腋音亦唯上聲○腋肘也狐腋白而溫最貴
唯唯者應之速而無辨難也鄂鄂同審忤之意直言

智伯
求地
於韓
魏趙

也簡子長子曰伯魯幼曰無恤書訓戒之辭於二簡
以授二子曰謹識之三年而問之伯魯不能舉其辭
求其簡已失之矣無恤誦其辭甚習求其簡出諸懷
中而奏之於是立無恤為後長上聲識音志簡子使
尹鐸為晉陽請曰以為爾絲乎以為保障乎簡子曰
保障哉尹鐸損其戶數簡子謂無恤曰晉國有難必

以晉陽為歸難去聲○為猶治也晉陽縣名屬太原
慈湖王氏曰繭絲者賦稅也保障者藩
籬也尹鐸之意不在賦稅而在藩籬此其所以保晉
陽也損減也減損戶數則賦稅輕而民力舒也趙本
晉大夫故簡子自謂簡子卒無恤立是為襄子智伯

求地於韓魏皆與求於趙不與率韓魏之甲以攻趙

韓魏滅智氏

襄子出走晉陽三家圍而灌之城不浸者三版沉竈產鼃民無叛意襄子陰與韓魏約共敗智伯滅智氏而分其地鼃蛙同○廣二尺曰版言城被灌而分其地浸而不沒者惟三版而已陰私也

司馬公曰智伯之亡也才勝德也聰察疆毅之謂才正直中和之謂德才者德之資德者才之帥也是故才德兼全謂之聖人才德兼亡謂之愚人德勝才謂之君子才勝德謂之小人凡取人之術苟不得聖人君子而與之與其得小人不若得愚人然德者人之所嚴才者人之所愛愛者易親嚴者易踈是以察者多蔽於才而遺於德自古以來國

之亂臣家之敗子才有餘而德不足以至顛覆者多矣豈特智伯也哉

豫讓為智伯報仇

襄子漆智伯之頭以為飲器智伯之臣豫讓欲為之報仇乃詐為刑人挾匕首入襄子宮中塗廁裏子如

廁心動索之獲讓飲如字為去聲匕音比廁音次○飲器劉氏曰酒器每賓設之示恨

深也晉灼曰搜便器蓋賤之也未可知孰是刑人闔官也匕首尺八短劍也其頭類匕故曰匕首塗路也廁登廁路傍以伺裏子而刺之也問曰子不嘗事范中

行氏乎智伯滅之子不為報仇反委質於智伯智伯死子獨何為報讎之深也為去聲質音只身也言日委致其身而忠事之也

范中行氏眾人遇我我故眾人報之智伯國士遇我

我故國士報之也遇待襄子曰智伯死無後而此人欲

為報仇真義士也舍之謹避而已為去聲舍上聲釋也讓又漆

身為癩吞炭為啞行乞於市其妻不識也其友識之

曰以子之才臣事趙孟必得近幸子乃為所欲為顧

不易邪何乃自苦如此癩音賴易音異○漆有毒人以變其容吞炭以變其聲妻不識者容也友識之者心也晉六卿趙氏最長故曰趙孟近幸者親近寵幸也所欲為指報仇而言讓曰不可既委質為臣又求

殺之是二心也凡吾所為者極難耳然所以為此者

將以愧天下後世為人臣懷二心者也言既臣事之

吾為此固知報仇之難不過盡吾之心以為後世人臣懷二心之愧而已襄子出讓伏橋

下襄子馬驚索之得讓遂殺之也伏藏

胡氏曰君子為名譽而為善則其善必不誠人臣

為利祿而效忠則其忠必不盡使智伯有後而豫

子為之報仇其心未可知也智伯無後矣而讓也

不忘國士之遇以死許之至再三而愈篤則無所

為而為之者真可謂義士耳然襄子知其如此而

終殺之何以為人臣之勸哉

賈誼曰此一豫讓也其始忘君事讎行若狗彘已

而抗節致忠行出乎烈士皆人主使然也然則為

人君者可不以禮遇其臣下哉

烈侯受命為侯

蘇秦說六國從親

蘇秦相六國

秦使犀首敗從約

襄子立伯魯之孫澆是為獻子獻子生烈侯籍以周

威烈王命為侯澆音歷武公敬侯成侯至肅侯秦人

恐喝諸侯求割地恐喝蓋以言大言有洛陽蘇秦游說

秦惠王不用乃往說燕文侯與趙從親說音稅從音宗

縣名屬河南燕資之以至趙說肅侯曰諸侯之率十倍於

秦并力西向秦必破矣為大王計莫若六國從親以

擯秦為去聲擯必刃反給助路費曰肅侯乃資之

以約諸侯蘇秦以鄙諺說諸侯曰寧為雞口無為牛

後於是六國從合諺音彥俗語也正義曰雞口雖小

氏曰雞口雖小貴也牛後雖大賤也蘇秦者師鬼谷

先生鬼谷先生謂王翽居初出游困而歸妻不下機

嫂不為炊為去聲至是為從約長并相六國行過洛陽

車騎輜重擬於王者昆弟妻嫂側目不敢仰視俯伏

侍取食長上聲相騎皆去聲輜重音蘇秦笑曰何前

倨而後恭也倨音句嫂曰見季子位高金多也季子

也秦喟然歎曰此一人之身富貴則親戚畏懼之貧

賤則輕易之况眾人乎使我有洛陽負郭田二頃豈

能佩六國相印乎於是散千金以賜宗族朋友易音

也負郭田近城田也既定從約歸趙肅侯封為武安

君其後秦使犀首欺趙欲敗從約齊魏伐趙蘇秦恐

武靈王服胡射

蘭相如奉秦

秦王約會

去趙而從約解犀首官名即公孫衍也秦使衍欺齊

必報齊乃去蕭侯子武靈王立始胡服招騎射略胡

地滅中山欲南襲秦不果騎去聲○胡服胡虜之服也騎射騎馬射弓之人也

北狄曰胡中山國名傳子惠文王惠文嘗得楚和氏璧秦昭王

請以十五城易之欲不與畏秦強欲與恐見欺易音亦○

楚和氏者楚國卞和氏也嘗得玉於荆山故曰和氏璧也易換也蘭相如願奉璧往

城不久則臣請完璧而歸蘭音既至秦王無意償城

相如乃給取璧怒髮指冠卻立柱下曰臣頭與璧俱

碎遣從者懷璧間行先歸身待命於秦秦昭王賢而

歸之償音常給蕩支反從間皆去聲○償酬也給欺也卻退也間行謂私便捷徑也秦王約

澠池

趙王會澠池相如從及飲酒秦王請趙王鼓瑟趙王

鼓之澠音免從去聲○澠池縣名屬陝州瑟絃屬二十五絃相如請秦王擊缶

為秦聲秦王不肯缶音否盛酒瓦器也秦俗擊之以節樂相如曰五步

之內臣得以頸血濺大王左右欲刃之相如叱之皆

靡秦王為一擊缶秦終不能有加於趙趙亦盛為之

備秦不敢動濺音箭叱音只為去聲○五步之內言至近也濺汚洒也刃殺也叱厲聲喝之

也靡退趙王歸以相如為上卿在廉頗右古者尚右故以右為

也頗曰我為趙將有攻城野戰之功相如素賤人徒

以口舌居我上吾羞為之下我見相如必辱之將去聲

相如聞之每朝稱疾不欲與爭列出望見輒引車避

相如引車避

匿其舍人皆以為恥朝平聲○列位序也相如曰夫

以秦之威相如廷叱之辱其群臣相如雖驚獨畏廉

將軍哉顧念強秦不加於趙者徒以吾兩人在也今

兩虎共鬪其勢不俱生吾所以為此者先國家之急

而後私仇也夫平擊驚音奴鈍也為頗聞之肉袒負

荆詣門謝罪遂為刎頸之交祖音但刎音故○露臂

頸謂下刎割其頸分為二人也揚氏曰古之智者以小事大有以皮幣犬馬珠玉

而不得免者至乃棄國而逃之况一璧乎雖與之

可也相如計不出此而欲以身死之可謂失義而

廉頗刎頸

傷勇矣及其完璧而歸趙亦何益哉至於澠池之
會則其危又甚矣雖勿往可也相如為國卿相挾
萬乘之君以蹈危事其勇智又不足重趙使秦不
敢喘焉乃欲以頸血濺之豈非孔子所謂暴虎馮
河死而無悔者歟

惠文王子孝成王立秦伐韓韓上黨降於趙上黨郡

西今潞州是也通鑑上黨守馮亭謀曰秦兵日秦攻

趙廉頗軍長平堅壁不出軍屯駐也長平城名在澤

壁不出秦人行千金為反間曰秦獨畏馬服君趙奢

之子括為將耳間將皆去聲○奢嘗為王使括代頗

孝成王以趙括代頗

相如曰王以名使括若膠柱鼓瑟耳括徒能讀父書

不知合變也王不聽柱者瑟上屬足所以移游上下

柱以膠粘之則不能鼓矣括少學兵法以天下莫能當與父奢言

之奢不能難然不謂善也括母問故奢曰兵死地也

而括易言之趙若將括必破趙軍○少難辨難也言括

以兵為易而奢不與辨難亦不謂其善將兵所以括母疑而問也及括將行其母上

書言括不可使有即有不稱妾請無隨坐之語括至軍果為秦將白

起所射殺率四十萬皆降坑於長平為將皆去聲○坑謂殺而壓之

也於谷趙相平原君公子勝食客常數千人客有公孫

龍者能為堅白同異之辨龍龍字子石莊子疏云公孫龍著守白論行于世堅白

蓋即守白言堅執其說而守之也秦攻趙邯鄲平原

君求救於楚擇門下文文武備具者二十人與俱得十

九人邯鄲音寒單縣名屬磁州毛遂自薦平原君曰士處世若錐

處囊中其末立見今先生處門下三年未有聞處上聲錐

音追見音現下同○錐鑽也遂曰使遂得處囊中乃

脫穎而出非特末見而已脫穎穎也穎音影錐芒也穎平原君乃以

備數十九人目笑之目笑謂目相視而冷笑之也至楚定從不決

毛遂按劍歷階升曰從之利害兩言而決耳今日出

而言日中不決何也決斷也楚王怒叱曰胡不下吾與

而君言汝何為者胡何也下謂下階也毛遂按劍而

毛遂自薦

毛遂處囊脫穎

毛遂定從

前曰王所以叱遂以楚國之衆也今十步之內不得
時楚國之衆也王之命懸於遂手以楚之強天下莫
能當白起小豎子耳一戰而舉鄢郢再戰而燒夷陵
三戰而辱王之先人此百世之怨趙之所爲合從爲
楚非爲趙也鄢音偃爲去聲○鄢城名在襄州夷陵郡各屬湖北今峽州王曰唯
唯誠若先生之言謹奉社稷以從唯上聲應之速也臨川陳氏曰古者
建國左祖右社蓋左陽右陰陰主殺故軍行則載社
主以行示征伐之不敢專也或曰社主土稷主穀稷
何與於軍行乎曰稷非土無以生土非稷無以見生
效以其同功而均利故言社則并稷而言之非謂載
行軍也以遂曰取雞狗馬之血來捧銅盤跪進曰王當
歃血以定從次者吾君次者遂左手持盤右手招十

魏信陵君大破秦軍悼襄王復用廉頗

九人歃血於堂下曰公等碌碌所謂因人成事者也
歃所甲反○薛川陳氏曰凡盟用牲貴賤不同天子
牛馬諸侯犬豕大夫以下用雞今摠盟之故曰雞狗
馬也歃飲也殺牲取血以祭司盟之神同盟
者共飲其血而盡其餘也碌碌者庸常也平原君
定從歸曰毛先生一至楚使趙重於九鼎大呂以遂
爲上客九鼎禹所鑄者大呂楚將春申君救趙會魏正義曰周廟大鐘楚將春申君救趙會魏
信陵君亦來救趙大破秦軍鄢郢下將去聲下同孝成王
子悼襄王立思復用廉頗爲將時頗奔在魏遣人視
頗頗之仇郭開與使者金令毀之復扶又反使去聲下同頗見
使者一飯斗米肉十斤披甲上馬以示可用使者還
曰廉將軍尚善飲然與臣坐頃之三遺矢矣王以爲

李牧為破匈奴

老遂不召矢尿同言坐不久而大便不禁者三也楚人迎頗於魏頗為

楚將無功曰我思用趙人尋卒頗以趙士卒訓練有素故思用之也尋猶

也趙得李牧為將先居北邊破匈奴北狄曰悼襄王

子幽繆王遷立秦王政遣兵攻趙牧為大將敗之秦

縱反間言牧將反遷誅之繆音木秦兵至虜遷趙之

亡大夫立趙嘉為王王于代代州名屬今山西通鑑

稍歸之亡大夫稍秦進攻破代遂滅趙為郡世紀趙自烈侯

世十一

魏之先本與周同姓文王子畢公高之後也國絕有

苗裔曰畢萬事晉邑于魏魏縣名屬大名數世有絳絳後四

魏邑于畢萬

文侯受命為侯式段干木之闔

田子方謂貧賤者驕人

文侯定相

世有桓子者與韓趙共滅智氏而分之提要畢萬生武子武子生

悼子悼子生昭子絳生桓子之孫曰文侯斯者以

周威烈王命為侯以卜子夏田子方為師過段干木

之闔必式四方賢士多歸之式車前橫木有所敬則俯而憑之文侯

之子擊遇子方于道下車伏謁子方不為禮擊怒曰

富貴者驕人乎貧賤者驕人乎子方曰亦貧賤者驕

人耳富貴者安敢驕人國君驕人失其國大夫驕人

失其家夫士貧賤者言不用行不合則納履而去安

往而不得貧賤哉擊謝之夫士之夫音扶行去聲○古者坐則脫履去則納而著之

文侯謂李克曰先生嘗教寡人家貧思良妻國亂思

於李

良相今所相非魏成則翟璜二子何如相去聲下並同翟狄澤二

音璜音黃克曰居視其所親富視其所與達視其所舉窮

視其所不為貧視其所不取五者足以定之矣子夏

田子方段干木成所舉也乃相成達謂達而在上窮謂窮而在下有

衛人吳起者初仕魯魯欲使起擊齊而起娶齊女疑

之起殺妻以求將大破齊師將去聲下同或曰起殘忍薄

行人也起恐得罪亡歸魏文侯以為將拔秦五城行去

聲也如拔者攻而舉起與士卒同衣食卒有病疽起吮

之平母聞之哭曰往年吳公吮其父不旋踵死敵今

又吮其子妾不知其死所矣疽音蛆癰也吮祖亮反吸也謂吸其膿血也旋

武侯以山河為寶

踵謂轉步也文侯卒擊立是為武侯武侯浮西河而下中流

顧謂吳起曰美哉山河之固魏國之寶也起曰在德

不在險昔三苗氏左洞庭右彭蠡禹滅之桀之居左

河濟右泰華伊闕在其南羊腸在其北湯放之紂之

國左孟門右太行恒山在其北大河經其南武王殺

之若不脩德舟中人皆敵國也武侯曰善行音抗恒胡登反

洞庭湖名在岳州巴陵縣西彭蠡澤名在彭澤縣東即鄱陽湖也河濟二水名泰華伊闕孟門太行恒山皆山名羊腸坂名在太原晉陽西北武侯卒子惠王瑩立東敗於齊將

軍龐涓與太子申皆死南敗於楚西喪地於秦乃卑

辭厚幣以招賢者孟子至而不能聲於耕反喪去

惠王卑辭厚幣以招賢者

吳起謂不德在險

吳起殺妻求將

吳起為吮疽卒

張儀連六

國以事秦

王三十年齊擊魏破其軍虜太子申十七年秦取魏少梁後魏數獻地於秦又與楚將昭陽戰敗亡其七邑三十五年甲辭厚幣以招賢者而孟子至梁有何必曰利賢者樂此不違農時仁者無敵之語惠王以為迂遠而濶於襄王立孟子去之齊有不似人魏人事情不能用也

有張儀者與蘇秦同師嘗游楚為楚相所辱妻愠有

語儀曰視吾舌尚在否為去聲○筌蹄曰儀嘗從楚

執而筌之視舌在否示將復為游說也○莊子書云得魚忘筌得兔忘蹄故曰筌蹄筌蹄者討魚搏兔之

也蘇秦約從時激儀使入秦儀曰蘇君之時儀何敢

言按蘇秦使下人說張儀來謂已乃先戒門下勿為通

入秦乃陰使人賂其資隨之入秦他日以實告曰蘇君憂秦伐趙敗從約以為非君不得秦柄所以激君

君之怒使臣陰奉給君資此蘇蘇秦去趙而從解儀專

為橫連六國以事秦秦惠王時儀嘗以秦兵伐魏得一邑復以與魏而欺魏割地以謝秦歸為秦相已而

出為魏相實為秦地襄王時復歸相秦已而復出相

魏以卒復扶又反實為之為去聲○正義曰關東地

秦故曰合從關西地橫廣秦獨居之張儀相秦連六國以事秦故曰連橫

景春曰公孫衍張儀豈不誠大丈夫乎一怒而諸

侯懼安居而天下熄孟子曰是妾婦之道也惡得

為大丈夫乎居天下之廣居立天下之正位行天

下之大道得志與民由之不得志獨行其道富貴

不能淫貧賤不能移威武不能屈此之謂大丈夫

不能淫貧賤不能移威武不能屈此之謂大丈夫

安釐王說
趙共尊秦
為帝

無忌
奪晉
鄙兵
救趙

無忌
還魏
敗秦
兵

魏安釐王立封公子無忌為信陵君無忌愛人下士

食客三千人釐音熙○無忌安釐王異母弟也秦攻趙魏王使晉鄙

救之秦昭王欲移兵先擊救者王恐止晉鄙兵壁于

鄴鄴郡名屬江東今彰德府又使新垣衍說趙共尊秦為帝魯仲

連往見衍曰彼秦者棄禮義上首功之國也即肆然

帝天下則連有蹈東海而死耳衍再拜曰先生天下

士也吾不敢復言帝秦矣說音稅復扶又反○上與尚同秦法斬首多者為上

功斬一人首賜爵一級也趙平原君夫人無忌姊也趙急使者冠

蓋相望責救於無忌無忌請於王及使賓客游說萬

端王不聽姊音子說音稅客侯嬴教無忌禱於王幸姬竊得

晉鄙兵符且薦力士朱亥與俱謂晉鄙合符而疑則

擊殺而奪其軍一如嬴言得以兵進大破秦兵解邯

鄲圍而無忌不敢歸魏嬴音盈○朱子曰符以玉為之篆刻文字而中分之彼此

各藏其半有故則左右相合以為信也秦伐魏魏患之使人請無忌不

肯歸客毛公薛公見曰魏急而公子不恤一旦秦克

大梁夷先王宗廟公子何面目立於天下乎恤救也魏都大

梁夷滅也無忌趣駕還諸侯聞無忌為魏將皆遣救無忌

率五國兵敗秦兵於河外追至函谷關而還趣與促同急也

五國魏趙韓楚燕也河外黃河南岸也

臨江梁氏寅曰從橫之說固皆詭術然為從者實

韓侯後裔
事晉為韓
氏景侯
慶命

為侯
聶吹
刺韓
相俠

哀侯
徙鄭
申不
言為

六國之利也當無忌之時六國益不支於秦矣然
無忌一旦為魏將五國助之大破秦軍况於其初
能以信義相親并力西向則秦雖強暴安得而亡
之哉故曰滅六國者六國也非秦也

無忌卒十八年而王假立後又二年秦王政遣兵伐

魏殺王假而滅魏為郡世紀魏自文侯受命至王假凡九世

韓之先本與周同姓武王子韓侯之後也國絕其後

裔事晉為韓氏韓武子之三世曰厥厥五世至康子

與趙魏共滅智氏又二世至景侯虔以周威烈王命

為侯提要武子事晉得封於韓原遂為韓氏厥謚獻子晉景公時為卿自獻子歷宣子貞子簡子莊

子康子武子至景侯韓相俠累與濮陽嚴仲子有隙仲子聞軹

人聶政之勇以黃金百鎰為政母壽欲因以報仇政

曰老母在政身未可以許人也及母卒仲子乃使政

圖之俠累方坐府兵衛甚嚴政直入刺之因自皮面

抉目韓人暴其尸於市購問莫能識婦嫫往哭之曰

是深井里聶政也以妾在之故重自刑以絕蹤妾奈

何畏没身之誅終没賢弟之名遂死政尸旁俠音挾累平聲

濮音卜軹音止暴步木反購音構嫫音鸞重持用反

○臨川陳氏曰濮陽縣名屬開州軹亦縣名屬河內

為壽猶言養老也因托也圖謀也公相之居曰府皮面謂披其面皮抉目謂出其眼睛欲令人不識也暴露也以財相求曰購深井里在軹景侯四世至哀侯縣重復也自刑指皮面抉目而言景侯四世至哀侯

相國
強治兵

徙都鄭四世景侯烈侯文侯哀侯也韓本都穎川至是滅鄭因徙都之哀侯二世至

昭侯鄭人申不害以黃老刑名之學為昭侯相句國

治兵強治去聲○二世哀侯懿侯也黃老黃帝老子也昭侯有弊袴命藏之

不以賜左右侍者曰君亦不仁者矣昭侯曰明主愛

一嘖一笑嘖有為嘖笑有為笑今袴豈特嘖笑哉吾

必待有功者為去聲○嘖眉蹙貌昭侯卒子宣惠王立三世至

桓惠王韓上黨守降趙致趙受秦兵而有長平之敗

三世宣惠王襄王僖王也降趙事詳見趙紀又一世至王安秦王政遣將

虜安遂滅韓為郡世紀韓自景侯受命至王安凡十一世

楚之先出自顓頊顓頊之子為高辛火正命曰祝融

高辛帝嚳也或曰當作高陽火正官名疑即黎也弟吳回復居其職復去聲二

世有季連者得芋姓芋音季連之後有鬻熊事周文

王成王封其子熊繹於丹陽至夷王時楚子熊渠者

僭稱王十一世至春秋有曰武王益強大自熊渠熊琴紅熊延

熊熊勇熊嚴熊霜熊狗熊等若敖至文王始都郢成王

與齊桓公盟召陵尋與宋襄公爭霸後與晉文公戰

城濮召音郢濮音卜○召陵杜預曰穎川縣也城濮陳氏曰衛地今濮州歷穆王至莊

王即位三年不出令日夜為樂令國中敢諫者死去令

音洛伍舉曰有鳥在阜三年不蜚不鳴是何鳥也土

阜曰三年不蜚蜚將衝天三年不鳴鳴將驚人音衝

莊王
日夜
為樂

文王
都郢

熊渠
陽封
熊繹

冲蘇從亦入諫王乃左執從手右抽刀以斷鐘鼓之

懸明日聽政任伍舉蘇從國人大悅又得孫叔敖為

相遂霸諸侯斷音歷共王康王郊敖靈王平王昭王

惠王簡王聲王悼王肅王宣王威王至懷王共恭同郊音夾

秦惠王欲伐齊患楚與從親乃使張儀說懷王曰王

閉關而絕齊請獻商於之地六百里懷王信之使勇

士北辱齊王齊王大怒而與秦合從音宗說音稅○商於二邑名在弘

農楚使受地於秦儀曰地從某至某廣袤六里王大

怒伐秦大敗使去聲衰音茂長也廣濶也秦昭王與懷王盟于黃

棘黃棘地名在房襄二州之境既而遣書懷王願與君王會武關

張儀說楚絕齊

秦楚盟于黃棘

屈平不可子蘭勸王行秦人執之以歸楚人立其子

頃襄王懷王卒於秦楚人憐之如悲親戚遺去聲屈九兮反○

武關在商州商洛縣屈平字原小字靈均本與楚同姓武王子瑕食采於屈因氏焉子蘭懷王少子也

臨江梁氏曰懷王以貪地之故而為秦所誑輕絕

齊交又與忿兵伐秦取敗亦可悟矣而又信秦之

詭言往會武關迫以入秦朝於章臺要以割地卒

至客死可悲也夫

初屈平為懷王所任以讒見疏作離騷以自怨至頃

襄王時又以譖遷江南遂投汨羅以死疏疎同汨音竟○離遭也

騷憂也屈平作之冀土之少寤也汨水名在豫章應劭曰汨水在羅故曰汨羅今長沙屈潭是也

屈平作離騷

朱子曰原之為人其志行雖或過於中庸不可以
為法然皆出於忠君愛國之誠心也

秦拔郢楚徙都於陳頃襄王卒子考烈王立又徙於

壽春春申君黃歇行相事壽春縣名當是時齊有孟嘗

君魏有信陵君趙有平原君楚有春申君皆好客春

申君食客三千人好去聲平原君使人於春申君欲夸

楚為玳瑁簪刀劍室飾以珠玉春申君上客皆躡珠

履以見之趙使大慙使去聲玳瑁音代瑁音趙人荀卿

至楚春申君以為蘭陵令令去聲○荀卿名況著書

州李園以妹獻春申君有娠而後納之考烈王是生

頃襄王徙陳考烈王徙壽春

○召公奭封燕

幽王園使盜殺春申君以滅口而專楚政娠音申幽

王卒弟哀王為楚人所殺而立其庶兄負芻為去聲秦

王政遣將破楚虜負芻滅楚為郡世紀楚自熊繹一至

燕姬姓召公奭之所封也奭音三十餘世至文公嘗

納蘇秦之說約六國為從從音文公卒易王噲立十

年以國讓其相子之南面行王事而噲老不聽政顧

為臣國大亂齊伐燕取之醢子之而殺噲易音亦噲音快○諡

法好更改舊曰易顧反也言噲反為子之之臣也

孟子曰子噲不得與人燕子之不得受燕於子噲

說者謂諸侯土地人民受之天子傳之先君私以

昭王
卑辭
以招
賢者

與人則與者受者皆有罪也

燕人立太子平為君是為昭王弔死問生卑辭厚幣

以招賢者問郭隗曰齊因孤之國亂而襲破燕孤極

知燕小不足以報誠得賢士與其國以雪先王之耻

孤之願也先生視可者得身事之隗五罪反隗曰古

之君有以千金使涓人求千里馬者買死馬骨五百

金而返君怒曰死馬且買之况生者乎馬今至矣不

暮年千里馬至者三今王必欲致士先從隗始况賢

於隗者豈遠千里哉涓人典謁之官主於中而涓潔者於是昭王為

隗改築宮師事之為去聲於是士爭趨燕樂毅自魏往

昭王
樂師
樂教

伐齊
入臨
淄

以為亞卿任國政已而使毅伐齊兵入臨淄齊王出
走毅乘勝六月之間下齊七十餘城惟莒即墨不下

毅音
義

愚按燕昭遭家不造破滅之餘為眾所立即欲為

君父報仇宜若襄微而不能濟也然燕弔死問生

親賢下士委任樂毅使人伐齊六月之間下齊七

十餘城其治效猶若是之速而况强大之國聖明

之君能用天下之賢才者乎詩曰無競維人四方

其訓之豈不信哉

昭王卒惠王立惠王為太子已不快於毅田單乃縱

太子丹質於秦

反間曰毅與新王有隙不敢歸以伐齊為名齊人惟

恐他將來即墨殘矣惠王果疑毅乃使騎劫代將而

召毅毅奔趙田單遂得破燕而復齊城間將騎皆去聲復音伏

惠王後有武成王孝王至王喜喜太子丹質於秦秦

王政不禮焉怒而亡歸怨秦欲報之質音至秦將軍樊

於期得罪亡之燕丹受而舍之於音烏○亡逃也丹

聞衛人荆軻賢卑辭厚禮請之奉養無不至欲遣軻

軻請得樊將軍首及燕督亢地圖以獻秦養去聲亢音剛抗二音

○督亢燕之膏腴地欲以誑秦故書圖以獻之丹不忍殺於期軻自以意諷

之曰願得將軍之首以獻秦王必喜而見臣臣左手

把其袖右手搥其背則將軍之仇報而燕之耻雪矣

搥知鳩反刺也於期慨然遂自刎丹奔往伏哭乃以函盛其

首盛音成○伏哭伏尸而哭也又嘗求天下之利也借以藥粹之

以試人血如縷立死粹楚碎反謂煨煉而納之於藥水令毒也縷絲也言血如縷

之細即立死也乃裝遣軻行至易水歌曰風蕭蕭兮易水寒

壯士一去兮不復還易音亦復于時白虹貫日燕人

畏之白虹者日旁氣暈也兵象也日君象也燕人畏之軻至咸陽

秦王政大喜見之軻奉圖進圖窮而匕首見把王袖

搥之未及身王驚起絕袖軻逐之環柱走秦法群臣

侍殿上者不得操尺寸兵左右以手搏之且曰王負

荆軻
為秦
王所
殺

劍遂拔劍斷其左股軻引匕首擲王不中遂體解以

徇首見之見音現搏音剝斷音短擲同中去聲○王劭曰凡帶劍上長拔之不出室今欲王推之於

背令前短易拔故曰負劍體解以秦王大怒益發兵

伐燕喜斬丹以獻後三年秦兵虜喜遂滅燕為郡世

燕自惠侯至王喜凡三十四世

司馬公曰燕丹不勝一朝之忿以犯虎狼之秦輕

慮淺謀挑怨速禍使召公之廟不祀罪莫大焉夫

為國家者任官以才立政以禮懷民以仁交隣以

信是以官得其人政得其節百姓懷其德四隣親

其義如是則國家安如磐石熾如焱火觸之者碎

犯之者焦雖有強暴之國何足畏焉丹釋此不為

顧以萬乘之國決匹夫之勇逞盜賊之謀功隳身

僂社稷為墟可悲也夫而荆軻懷其豢養之私不

顧亡族欲以尺八七首強燕而弱秦亦愚乎

秦之先本顛頊之裔曰大業者生栢翳舜賜姓嬴氏

其後有蜚廉蜚廉孫女防嬴音盈女音汝○世紀蜚廉生惡來惡來生女防

女防之後有非子好馬為周孝王主馬於汧渭之間

馬大蕃息分土為附庸邑之秦好為分皆去聲汧音牽○汧渭二水名蕃

盛息生也凡裂土以封諸侯其受封者各有分故曰

分土附庸小國也孟子曰不能五十里不達於天子

附於諸侯曰附庸是閔二世至秦仲始大二世秦侯也秦州名屬鞏昌

襄公
救周
有功

歷莊公至襄公犬戎弑幽王襄公救周有功封為諸

侯賜以岐西地岐西地蓋西周畿內八百里之地歷文公寧公出子

武公德公宣公成公至繆公繆音木孟子作穆有百里奚者

故虞大夫也晉人伐虢假道於虞其實欲并虞取之

奚知虞公不可諫而先去之秦繆公聞其賢以為相

政事皆屬焉魏音國屬音竹○百里奚其先本姬姓家于百里因氏焉虢虞並國名

孟子曰百里奚虞人也晉人以垂棘之璧屈產之

乘假道於虞以伐虢宮之奇諫百里奚不諫知虞

公之不可諫而不諫可謂不智乎知虞公之將亡

而先去之不可謂不智也時舉於秦知繆公之可

與有為也而相之可謂不智乎相秦而顯其君於

天下可傳於後世不賢而能之乎

百里奚進其友蹇叔以為上大夫蹇姓也九釐反繆公送晉

惠公歸晉已而倍秦合戰于韓繆公為晉軍所圍岐

下有嘗食公馬者三百人馳肩晉軍遂脫繆公以反

先是繆公亡善馬野人共得之吏逐得欲法之公曰

食善馬不飲酒傷人皆賜酒而赦之至是聞秦擊晉

皆願從推鋒爭死以報得倍與背同為去聲推吐回反○韓縣名屬同州按秦

秋傳晉獻公嬖於驪姬欲殺惠公文公等二公奔秦獻公卒惠公許秦五城以求入國及入而弗與故曰

倍秦也亡失也善良也繆公又送晉文公歸晉立而

晉秦
合戰
于韓

繆公
不替

孟明 遂戎

霸諸侯事見左傳僖公二十三年晉文公卒秦遣孟明襲鄭因破

滑晉襄公敗之嶠音丈○孟明姓百里名視滑小國名嶠山名在河南府永寧縣

繆公不替孟明句脩國政後伐晉得志遂霸西戎陳氏

殷曰替廢也言孟明雖有喪師之罪而穆公終不廢之故孟明益脩國政卒伐晉有濟河焚舟取王官及

封嶠尸等事詳見左傳文公三年歷康公共公桓公景公哀公惠公

悼公厲公蹇公懷公靈公簡公惠公出子獻公至孝

公共恭同蹇音蹇河山以東強國六小國十餘以夷狄遇秦

擯不與諸侯之會盟與預同○河謂黃河山謂華山遇待擯棄與干也孝公

下令賓客群臣有能出奇計強秦者吾且尊官與之

分土令分皆去聲下並同衛公孫鞅入秦因嬖臣景監以求見

孝公 下令 強秦 衛鞅 入秦 欲變法

說以帝道王道三變為霸道而後及強國之術見說

音稅○因托也帝道五帝之道王道三王之道霸道五霸之道也公大悅欲變法恐

天下議已鞅曰民不可與慮始而可與樂成卒定令

樂音洛令民為什伍相收司連坐不告姦者腰斬告姦

者與斬敵同賞匿姦者與降敵同罰有軍功者各以

率受爵為私鬪者各以輕重被刑大小戮力本業耕

織致粟帛多者復其身事末利及怠而貧者舉以為

收孥降音抗率律同○慈淵王氏曰五家為伍十家為什司管也言為什伍之法使之相收相管一

家有乘九家同舉否則連坐罪也爵官秩也復除也謂免其身役也事猶務也末利商賈也孥妻子也言

糾舉而收錄其妻令既具未布立三丈之木於國都

子沒為官奴婢也

太子犯法衛鞅刑其師

秦公封鞅為商君

市南門募民有能徙北門者予十金民怪之莫敢徙

復曰能徙者予五十金有一人徙之輒與五十金乃

下令募召也予與同太子犯法鞅曰法之不行自上

犯之君嗣不可施刑刑其傅公子虔黥其師公孫賈

罪其師傅者以其教訓不嚴故也秦人皆趨令行之十年道不拾遺

山無盜賊家給人足民勇於公戰怯於私鬪鄉邑大

治給亦足也初言令不便者來言令便鞅曰此亂法

之民也盡遷之邊民莫敢議塞外令民父子兄弟同

室內息者為禁廢井田開阡陌更為賦稅法秦人富

強封鞅商於十五邑號曰商君更音庚於音烏○出

也井田之制方里為井井九百畝畝為九區區中為公田八家各受一區但借其力助耕公田而不復稅其私田至是廢之而更為貢法也

司馬公曰夫信者人君之大寶也國保於民民保

於信故古之王者不欺四海霸者不欺四隣善為

國者不欺其民善為家者不欺其親不善者反之

是以上下離心以至於敗所利不能藥其所傷所

獲不能補其所亡豈不哀哉商君以刻薄之資處

攻戰之世猶且不敢忘信以畜其民況為四海治

平之政者哉

孝公薨惠文王立公子虔之徒告鞅欲反鞅出亡欲

鞅論
囚水盡
赤

武王
使討
韓茂
伐

武王
與
武王
好戲
盟

止客舍舍人日商君之法舍人無驗者坐之鞅數日

為法之弊一至此哉上人舍人店家人也下舍人停藏

者罪坐客店主去之魏魏不受內之秦秦人車裂以

徇內音納送也裂分也言以四肢及首繫鞅用法酷

步過六尺者有罰棄灰於道者被刑嘗臨渭論囚渭

水盡赤秦制六尺為步二百四十步為畝過之則畝

有刑農故惠文王薨子武王立武王使甘茂伐韓茂曰宜

陽大縣其實郡也今倍數險行千里攻之難宜陽縣

告其母母織自若及三人告之母投杼下機踰牆而

走臣賢不及曾參王之信臣又不如其母疑臣者非

特三人臣恐大王之投杼也曾參孔子弟子字子輿

也投也魏文侯令樂羊伐中山三年而後拔之反而論

功文侯示以謗書一篋再拜曰非臣之功君之力也

篋音怯今臣羈旅之臣也擣里子公孫奭挾韓而議

王必聽之擣音樞○擣里子名疾秦惠王弟也王曰

寡人弗聽乃盟于息壤息壤秦茂攻宜陽五月而不

拔二人果爭之武王召茂欲罷兵茂曰息壤在彼王

乃悉起兵佐茂遂拔之爭去聲○息壤在彼武王有

力好戲力士任鄙烏獲孟說皆至大官王與孟說舉

鼎絕脈死好去聲任音壬說音悅○弟昭襄王稷立

有魏人范雎者嘗從須賈使齊齊王聞其辯口乃賜

之金及牛酒雎七余及從使皆去聲須賈乃密須氏之後為魏大夫賈疑雎以

國陰事告齊歸告魏相魏齊怒笞擊雎折脅拉

齒雎佯死卷以篋置廁中使醉客更溺之以懲後拉

得出更姓名曰張祿庚更音秦使者王稽至魏潛載與

歸薦于昭襄王以為客卿教以遠交近攻之策時穰

侯魏冉用車雎說王罷之而代為丞相號應侯說音

潛竊也外國人為卿故曰客卿一遠交指齊楚近攻指三晉也

相為穰代
丞侯

林之奇曰秦之所以卒并六國者以其用遠交近

攻之策也蓋三晉者天下之樞紐也秦攻之而齊

楚不救是以天下之樞紐委之於秦矣天下之樞

紐既委之於秦則齊楚燕欲不亡得乎

魏使須賈聘秦雎弊衣間步往見之賈驚曰范叔固

無恙乎留坐飲食曰范叔一寒如此哉取一綈袍贈

之問去聲恙音漾綈音提○恙疾也綈繒也袍衣之有絮著者遂為賈御至相府

曰我為君先入通于相君賈見其久不出問門下門

下曰無范叔鄉者吾相張君也賈知見欺乃膝行入

謝罪為相鄉皆去聲雎坐責讓之曰爾所以得不死者以綈

綈賈
袍

有收人意

白起 死于郵 蔡澤 睢代

袍戀戀尚有故人之意耳乃大供具請諸侯賓客置

莖豆其前而馬食之莖音到食音似○莖斬草也豆盛莖器或曰菽也使歸

告魏王曰速斬魏齊頭來不然且屠大梁賈歸告魏

齊魏齊出走而死屠滅也大都也睢既得志于秦一飯之

德必償睢眦之怨必報睢牛懈反眦助王既用睢策

歲加兵三晉斬首數萬周赧王恐與諸侯約從攻秦

秦攻周赧王入秦頓首請罪盡獻其邑三十六從音宗

秦將武安君白起與范雎有隙廢為士伍賜劍死於

杜郵王臨朝歎曰內無良將外多強敵睢懼蔡澤曰

四時之序成功者去睢稱病澤代之郵音尤朝音潮○境上行舍曰

郵杜郵在咸陽城四十里昭襄王薨子孝文王挂立薨子莊襄王

楚立薨嗣為王者政也遂并六國是為秦始皇帝世紀

秦自非子受命至莊襄王凡三十六世

黃帝以來列百里之國萬區蓋自中國以達於四

裔四裔謂四夷也中國之制可攷於王制者九州

千七百七十三國王制禮記篇名九州之內一州屬王圻容九十三國外八州容

一千六百八十八國併之古之建侯各君其國各子

其民而宗主於天子建立也王制比年一小聘三年一大聘五年一朝之類是

也歷夏殷至周強并弱大吞小春秋十二國外存


者無幾戰國存者六七至是遂并於秦無幾言不多也

153
7
50

齊 策

雙湖胡氏曰七國莫強於秦亦莫弱於六國秦用
遠交近攻之策卒以蚕食天下六國為謀不固齊
獨坐視五國之亡自謂得計同歸于盡吁秦非強
也許有餘也六國非弱也智不足也使智足以燭
秦之詐信足以結六國之交義足以尊周而為之
主雖族秦求吾所大欲可也奈何其不然以待覆
亡之不暇可勝歎哉

古今歷代標題註釋十九史略通考卷一之下



153-50

003128-001-9

153-50

十九史略通考 聚珍版

曾先之/編

M8

ACC-1169



東 京 圖 書 館

七	四	二	八	雜	漢
冊	號	架	函	史	書
				類	門

十九史略通考